

VHUhONENI HAWE

 Ndi a ni livhuwa, Murathu Neville, Murena a ni fhaṭutshedze nga ndila yo pfumaho zwa vhukuma.

Huno ndi madekwana avhudji, dzikhonani. Ndi pfanelo yavhudji u vhuya hafha kha itsi tshifhaṭo hafhu madekwana a namusi, huno ri tshi pfa Vhuhone vhu sa kundelwi na khathihi ha Murena washu, vhunga O ri nea pfulufhedziso. Huno zwino, ndi a diṭha uri vhanzhi hanu no salela Mulaedza muṭuku madekwana a namusi, une ngawo nda vha a livhuwaho. Huno vhanzhi vhanu no tea u reila kule madekwana a namusi, u swika hayani. Vhañwe no bva mimotheleni yanu, vhunga ndi tshi pfesesa. Huno ri khou yo lingedza uri ri sa ni fareledze, ngauralo itsho ndi tshone tshi ri itisaho uri ri de nga u ṭavhanya uri ri kone u ṭuwa nga u ṭavhanya.

² Huno zwino ri do funa, zwezwo nga u ṭavhanya u ya nga hune nda kona, ndi ḍo divhadza khamusi ri tshi khou yo thoma, ndo vha na dziñwe ṭhingo masiari ano, ndi tshi diṭha uri ri khou yo thoma lini nga ha idzi bugu, kana idzi ndima. Huno ndi a elekanya, arali Murena a tshi funa, ndi ṭoda u dzhia, tshifhinga tshi tevhelaho tshine ra thoma, nga ha Mapfundo a Sumbe a Nzumbululo, na mapfundo a mupo a sumbe. Huno, zwenezwo arali ri tshi fhedza nga tshifhinga, ra dzhia mapfundo a sumbe nga murahu ha Bugu, ni a vhona. Zwino, izwo zwi nga dzhia tshifhinga tshiṭuku. Ni a vhona, hu na mapfundo a rathi o pfunululwaho; hu na mabulayo a sumbe, phalaphala dza sumbe, idzo sumbe dzothe; na ayo mapfundo ri nga a dzhia u thoma. Fhedzi zwenezwo murahu ha Bugu ho pfunelwa nga mapfundo a sumbe. Daniele o pfa maipfi, mibvumo, huno a hanelwa u a ḥwala. Yohane o hanelwa u a ḥwala. Fhedzi o vha o pfunelwa nga murahu ha Bugu, ndi uri, nga murahu ha musi zwiphiri zwothe zwa Bugu zwo no newa na u dzumbululwa. Inwi ni a dzhieila nzhele uri Daniele o amba heneffho, “Zwiphiri mađuvhani a aya maipfi, tshiphiri tsha Mudzimu tshi tea u putuluwa nga itsho tshifhinga.” Ni a vhona, “tshiphiri,” uri Mudzimu ndi nnyi, ndila ye A itwa nama, izwi zwithu zwothe zwi fanela u putuluwa nga itsho tshifhinga. Huno zwenezwo—zwenezwo ro lugela Mapfundo a Sumbe nga murahu ha Bugu, ayo ho ngo vhuya a dzumbululelwu muthu, ho ngo vhuya a ḥwalwa Bivhilini, fhedzi a do tea u tou vhambedzwa kokotolo na Bivhili yothe, huno ndi a elekanya uri tshi ḍo vha tshithu tshihulwane.

³ Ngauralo zwino ri khou yo lingedza u dzhaya uri ri fhedze. Ndi livhuwa muñwe na muñwe wanu u itela vhulenda hanu na vhuhone hanu, na—na zwothe zwe na ita, ri a ni livhuwa nga maanda. Huno zwino ndi—nne ndi khou fulufhela uri a ri nga ni

fareledzi madekwana a namusi, ngauri ni a kondelela u dzula, u ima. Mufumakadzi wanga o amba ngei murahu, o vha a tshi amba nga hazwo madekwe, a ri, “Ndo vhona vhasadzi vhe vha vha vhe na mivhili, vho ima heneffho, huno zwiambaro zwavho zwi tshi phopha madi, ndo ima heneffhalo, ndi tshi tou pfesesa Ipfi liñwe na liñwe.” Itsho ndi tshone tshi itisaho uri ndi takalele u dzula fhasi ha ndodzo ya Muya Mukhethwa, uri musi ni tshi bvela nnnda ni khou vhudza avho vhathu Ngoho i fhlufhedzeaho, ni a vhona, huno hu sa tou vha tshithu nga nnnda ha Ngoho. Huno zwenezwo vha nga kona u vha kha Izwo huno zwi do luga.

⁴ Zwino ndi toda u humbela pfarelo yanu lwa zwikathinyana. Ndo tuwa nga u t̄avhanya zwiñku nga matsheloni ano. Huno theiphi dzo dzimiwa nga tshino tshifhinga, huno ndi—nne ndi tou vha kha tshikhathinyana tshine nda vhudza vharekhodi uri vha tea u funga lini theiphi. Ndi toda u fhedza *U Vhalela*, miniti miñanu yawo, ndi sa athu tuwa. Ndo hangwa huno nda tuwa, ndo tou hwalea matsheloni ano u swika ndi tshi bvela nnnda hu si na u amba tshiñwe tshithu nga hazwo. Fhedzi, ndo nga ndi a ni sia, “Naa u vhalela ho vha hu mini?” Ni a vhona? Ndi a ñivha uri ri kha u vhalela, fhedzi naa u vhalela ndi mini? Ni a vhona? Arali ni sa ñivhi uri u vhalela ndi mini, zwenezwo ni ño nga ni a ñada. Huno ngauralo ndi—ndi ño takalela u—u disa izwo, fhedzi, huno nda lingedza u vha kha thoni yeneyo nthihi ye nda vha ndi tshi khou yo fhedza iyi theiphi zwino, ngauralo theiphi i a bva, *U Vhalela*. Zwino vhoiñwi noþe ni ño nkhangwela lwa tshikhathinyana fhedzi, huno ndi tða u fhedza iyo theiphi. Naa ni ño zwi ita lwa tshikhathinyana fhedzi, zwenezwo ri ño thoma kha inwe? [Tshividzo tshi ri “Amene.”—Mudz.] Huno zwino—zwino vharekhodi vha theiphi, arali ni tshi ño funa, vulani theiphi yanu zwino.

[Tshikhala kha theiphi. Mukomana Branham u talutshedza kha phara 4-5 uri o longa itshi tshipida tshi siho ngomu ha theroyawe ya nga matsheloni yo rinwaho *U Vhalela*, sa phara 106-111—Mudz.]

⁵ Ri tshi tou ña ngomu ri tshi bva mafhethu o fhambanaho, huno ro vha na tshifhinga tshavhudí kha milaedza miraru ya u fhedzisela, ya u amba nga ha ñohoho ya—ya pfunzo dzo fhambanaho na zwiñwe-vho zwe ra zwi vhea phanda. Ndi tou elelwa nga tshino tshifhinga uri ndi tea u ñea tshikhala tshiñku ngomu heneffho, vhoiñwi vhathu kha theiphi, u itela uri ni shandukise theiphi dza vhoiñwi. Ndi ño ni vhudza uri ndi lini hune na tea u dzi funga. Zwo luga. Zwino, ndi tea u sedza izwi. Zwi vhonala zwi tshi tou vha tshivilonyana tsha tshivhumbeo tsho itwaho, fhedzi avho vhatukana vha tea u wana theiphi. Huno vha nga si i wane yo t̄apanayedzea yoþe; arali vha tshi ita, vhathu ngei nnnda a vha nga zwi pfesesesi. Ngauralo ri khou tea u i dzhia nga uyu mukhwa. Huno arali muñwe muthu a tshi ño tou kanda nnnda ha lufhera huno a ntsainela henengei, Junior, musi

vho lugela u vha na theiphi uri dici khorosiwe. Ndi a ni livhuwa nga maanda, vhatu, ndi a amba hafhu, ngauri vhulenda hanu hothe na tshiñwe na tshiñwe. Zwo luga, ro luga zwino, ni nga dici funga.

⁶ Murena a ni fhañutshedze. Ri a takala u vha fhano thaberenakeleni hafhu madekwana a ñamusi. Fhethu ho ðala vhatu vhanzhi vho imaho u mona hothe hafhu madekwana a ñamusi, na maduvha mararu a...kana zwikhathi zwiraru zwa tshumelo. Ndi ðo takalela uri arali muñwe muthu a thetshelesa iyi theiphi, uri u ðo takalela u ya murahu huno a wana theiphi ya madekwe. I gudeni hayani hanu. Ndi tshi-tshipida tsha zwino tsha mushumo we Murena a nñea wone. Nga maanda ndi ðo takalela vhashumeli vha tshi pfa izwo ndi sa athu dalela zwivhidzo zwavho huno nda ða mahayani avho. Zwino ndi ðo takalela vha tshi u—u wana uyo. Zwino, nga matsheloni ano ro amba nga ha ðoho ya *U Vhalela*, Tshivhidzo tsho lugela u ñuwa.

⁷ Huno zwino madekwana a ñamusi, Mudzimu a tshi funa, ri khou amba nga ha ðoho ya *Vhuhoneni Hawe*. Huno, oo, nga ndila ine ra livhuwa Mudzimu nga nthani ha u tondwa ha uri ri nga kona u ða Vhuhoneni Hawe. Fhedzi, tsha u thoma, ndi tama vhoinwi nothe ni tshi fhenda Bivhilini dzanu na nne kha muporofita Yesaya, ndima ya vhu⁶ ya muporofita Yesaya. Rothe ri a zwi ñivha uri Yesaya o vha e muporofita muhulu, na muñwe wa vhaporofita vhahulwane vha ñuvha lawe. O fhedza vhutshilo hawe nga u saiwa nga vhukati nga dzisaha, u itela vhuñanzi, sa mufelalutendo kha maanda a Mudzimu Ramaandaothe. Kha Bugu ya Yesaya, ndima ya vhu⁶, ndi thoma kha ndimana ya vhu⁵, u vhala. “Zwenezwo nda ri, ‘Khombo kha nñe!’ Ngauri...” Khamusi ndi thoma nga ndimana ya 1. Kha ri nkhangwele lwa tshikhathinyana. Kha ri thome kha ndimana ya 1 huno ri vhale phasi u swika kha ndimana ya vhu⁸.

Nga ñwaha we khosi Usia a fa ndo vhona Murena o dzula kha khuluñoni, e nthia nahone o takulelwa nthia, huno phendelo dzawe dzo ñadza thembele.

Nga nthia hayo ho vha ho ima vhaserafe: muñwe na muñwe e na phapha dza rathi; nga mbili a fukedza tshifhañuwo tshawe, huno nga mbili o fukedza milenzhe yawe, huno nga mbili a fhufha.

Huno muñwe a vhidzelela muñwe, huno a ri, Mukhethwa, mukhethwa, mukhethwa, ndi MURENA mudzimu wa mavhuthu: huno lifhasi lothe ño ðala vhugala hawe.

Huno miteo ya vothi ya sudzuluwa nga ipfi la uyo we a vhidzelela, huno nndu ya ñala vhutsi.

Zwenezwo nda ri, Khombo kha nñe! ngauri ndi wa tshika; ngauri ndi munna wa milomo ya tshika, huno

ndi dzula vhukati ha . . . vhathu vha milomo ya tshika: ngauri maṭo anga o vhona Khosi, MURENA wa mavhuthu.

Zwenezwo ha fhufha muñwe wa vhaserafe kha nne, a na simbe tshandani, le a li dzhia nga lumano kha alitari:

Huno a li vhea kha mulomo wanga, huno a ri, Vhonani, ili lo kwama mulomo wañu; huno vhutshinyi hanu ho dzhiwiwa, huno tshivhi tshañu tsho ṭanzwiwa.

Nahone nda pfa ipfi la Murena, li tshi ri, Ndi nnyi ane nda do ruma, nahone ndi nnyi a no do ri yela? Zwenezwo nda ri, Fhano ndi hone; nthume.

⁸ Ngavhe Murena a tshi fhaṭutshedza Ipfi Lawe. Ndi elekanya uri ulwo ndi Luñwalo lu no kwamesa. Ri wanauri, Vhuhoneni ha Mudzimu, vhathu vha limuha vhone vhañe u vha vhaitezivhi. Ri nga di pfa ri vhavhuđi nga maanda müsi ri nn̄da mafhethu o fhambanaho, huno ra pfa uri ri vhathu vhavhuđi nga maanda, fhedzi musi ri tshi vhuya ra da ngomu Vhuhoneni ha Mudzimu, zwenezwo ri vhona nga ndila ine ra vha vhaṭuku ngayo.

⁹ Ndo ima zwi si zwa kale na kho—khonani yanga we nda vha na u tondwa u mu isa ha Kristo, Bert Call, n̄tha ngei New Hampshire, mufarakani wa u zwima, ro vha ro ima tsini na Cold Brook Falls n̄tha kha Adirondack, huno ho vha hu maguvhukuvhu mahulu a mamoto. Ndo dzhia muña wanga mahola ngei n̄tha u a sedza. Kule murahu nga thungo ya ndila, ni tea u wana lifithi murahu u hu wana. Huno musi ro no vhona ayo mađi madaladala a tshi shuluwa nga maanda o raloho a nungo a tshi bva dzithavhani, huno a tshi gubunyea fhasi n̄tha ha matombo, Bert o ima heneho huno a ntsedza, huno a ri, “Gee, Billy, zwi ita munna uri a pfe e mułku,” o ela kotara ya intshi kha minwe yawe. Huno nda ri, “Izwo ndi zwone, Bert.” Zwino, ndi zwenezwo fhedzi zwe a divha nga ha u dzhena ngomu Vhuhoneni ha Mudzimu, u vhona tsiko Yawe.

¹⁰ Ndi a mangala munna we a ñwala *Iwe U Muhulwane Hani*, arali a songo sedza n̄tha vhusiku vhuthihi huno a sedza dzinaledzi, uri dzi kule han! Minwedzi i si gathi yo fhiraho, Mukomana Fred, Mukomana Wood na nne, vho vha vho ima na Mukomana Mc Anally nn̄da phangani ya Arizona, ro vha ri tshi khou ela, lingeda, naledzi nthihi, nga ndila ye ya vha i tsini na inwe. Huno na dzimilioni na dzibilioni dza maela, a vho ngo sedza u fhira kotara ya intshi nga u fhandekana. Zwenezwo ri thoma u elekanya, u ya nga vhuñanzi ha saintsí ha idzo, idzo naledzi hu na khonadzeo ya uri dzi kule na kule u fhira zwine ra vha zwone khadzo. Ni a vhona uri dzi hani?

¹¹ Zwenezwo ri a limuha uri ri vhaṭuku hani musi ri tshi limuha uri U muhulwane hani, na uri ri da tsini hani nga ngomu ha u da kha Vhuhone Hawe. Nga inwé ndila kana inwe, tshifhinga tshothe zwe posela masiandaitwa mahulwane kha vhathu u dzhena ngomu Vhuhoneni ha Mudzimu. Ndo vhona

tshifhinga mushumoni wanga musi ni tshi ḋo vhona Vhuhone ha Mudzimu vhu tshi dzhena fhethu ho raloho lune zwa ḋo disa muthu n̄tha huno zwa tou dzumbulula vhutshilo khavho, huno zwa vhidzelela zwivhi zwavho zwa tshaka dzothe dza nyito dza vhuada, huno zwi disa u fhumula hukhethwa ho raloho vhukati ha vhathe u swika vha tshi wela nn̄da ha muduba wa thabelo vha sa athu vhuya vha da u rabelelwa, huno vha gidimela kha alitari huno vha luga na Mudzimu vha sa athu da ngomu ha Vhuhone Hawe. Ni a vhona, hu na tshiñwe tshithu nga ha u da ngomu Vhuhoneni ha Mudzimu, zwi vhangela zwithu u bvelela. Ndo no vhona vhathe vho edela dzikhethoni na kha zwitiretsha.

¹² Uvho vhusiku ngei phasi Mexico, musi ulwo lushie luṭuku lwo faho lwo edela phasi ha bai, lwe mme muṭuku vha Spain vha lu disa, kana mme muṭuku vha Mexico, kha ndi ralo, vha lu disa. Musi vho no vhona, vhathe vha zwigidi zwo vhalaho vha vhona, khamusi zwigidi zwa futhanu kana zwa fusumbethanu kha khuvhangano nthihi, vha tshi vhona ulwo lushie lwo faho lu tshi da vhutshiloni, vhasadzi vha ɻoka, vhathe vha posela zwanda zwavho n̄tha huno vha zhamba. Ndi ngani? Vho limuha uri muthu o vha a si nga koni u ita izwo, uri vho vha vhe Vhuhoneni ha Mudzimu Ramaandaothe. Huno zwa vhangela tshiñwe tshithu u bvelela.

¹³ Ndo tondwa u pfa vhanna vha ofhaho Mudzimu vha tshi amba. Zwo ambiwa nga tshiñwe tshifhinga zwa Charles Finney, muthu muṭukuṭuku, na khathihi ha ngo lemela phaundu dza dana na fumi, fhedzi o vha e na ndila ya u amba nga u kombetshedza u swika... O vha a tshi khou lingedza u guda saintsya mubvumo linwe ɻuvha tshifhaṭoni. Vho vha vha si na sisteme dza P.A. tshifhingani itsho. Huno ho vha hu na munna a tshi khou lugisa, n̄tha kha balikhoni, kana n̄tha kha thanga ya fhethu, huno a pfa munna a tshi dzhena ngomu, ngauralo ho ngo divha uri ho vha hu vhonnyi, o tou dzika. Huno Vho-Finney vho vha vha tshi khou yo lingedza u guda saintsya mubvumo. Nga murahu ha u fhedza tshifhinga tshinnzhi thabeloni u itela iyo mvuseledzo ye a vha a tshi khou yo i fara, a lingedza ipfi lawe u vhona ndila ine la ḋo hwala. A redzemutshela nga u ṭavhanya kha phuluphithi, huno a ri, "Shandukani, kana lovhan!" Huno a zwi amba e na u kombetshedza—u kombetshedza ho raloho, nga murahu ha u vha phasi ha n̄odzo ya Mudzimu, u swika uyo munna a tshi wa n̄tha ha balikhoni, phasi u ya kha fuloro, kana, a bva n̄tha ha tshifhaṭo, u ya kha fuloro.

¹⁴ O rera Mafhongo-madifha nga ndila ye a swika he a ima ngei Boston, Massachusetts, kha fasitere lituku lo kombamaho, ngauri ho vha hu si na tshivhidzo tshe tsha vha tshi tshi nga fara gogo lawe. Huno a ima heneffo e na dzenedzo nungo dza maanda, huno a rera vhuzulavhafu fhethu ho raloho, u swika munna a shumaho e na mimanngi yawe phasi zwanda zwawe, a wela ngomu tshiṭaraṭani huno a zhambela khathutshelo.

Vhuhoneni ha Mudzimu! Vhareri vhahulwane vhe vha vha tshi kona, nga Ipfila Mudzimu, u disa Vhuhone ha Mudzimu kha vhathetshesi. Kha zwi vhe kule zwauri munna a nga vhuya a ainea nga maanda mbiluni yawe u swika vha sa koni u limuwa Vhuhone ha Mudzimu na khathihi. Kha zwi vhe kule!

¹⁵ Musi munna wa u thoma, nga u ṭavhanya o no tshinya huno a ita tshiñwe tshithu tsho khakheaho, huno musi Mudzimu a tshi da vhuhoneni hawe, kana, o da ngomu Vhuhoneni ha Mudzimu, "Adamu," ho ngo kona u ima Vhuhoneni ha Mudzimu. O gidima huno a qidzumba tshiṭakani huno a lingedza u diputela nga ḥari la muhuyu, ngauri o divha uri o vha o ima Vhuhoneni ha Jehovah, Musiki. Itsyo tsho vha tshi tshiiteo tsha munna wa u thoma, nga murahu ha musi o no tshinya huno a lingedza u da ngomu Vhuhoneni ha Mudzimu e na tshiyhi kha maya wawe. Ho ngo kona u dzumbama, ngauri o vha a tshi kha di vha mutete. Tshiyhi tsho vha tshi sa athu fara vhunga tsho no mela midzi mbiluni dza vhathu namusi, fhedzi o vha a tshi divha uri o vha o ima phanda ha Musiki wawe. Zwino, a qidzumba zwiṭakani huno a si ḥode u bvela nn̄da, huno ho ngo kona u bvela nn̄da u swika Mudzimu o no mu itela ndugiselo.

¹⁶ Ri nga kona u ya murahu, huno ra dzhia kha Genesi ndima ya vhu¹⁷ na ndimana ya vhu³, musi khotsi muhulwane, Abrahamu, musi o da ngomu Vhuhoneni ha Mudzimu, huno Mudzimu o amba nae (kha ndima ya vhu¹⁷) nga Dzina la Mudzimu Ramaandaothe, Abrahamu a wa nga tshifhaṭuwo tshawe. Uyo khotsi muhulwane, mulanda wa Mudzimu, ho ngo kona u ima Vhuhoneni ha Mudzimu, naho o Mu shumela lwa miñwaha ya fumbiliṭhanu, nga u fulufhedzea. Fhedzi musi Mudzimu o sudzulutshela ngomu ha vhuhone hawe, khotsi a wela fhasi nga tshifhaṭuwo tshawe ngauri ho ngo kona u ima Vhuhoneni ha Mudzimu.

¹⁷ Kha Ekisodo 3, ri wana uri Mushe, mulanda muhulwane na muporofita wa Mudzimu, musi o vha e murahu ha sia la murahu la phangani, uyo munna o vha e munna mukhethwa. O bebelwa ndivho. O bebwā a tshi bva mbumbeloni dza mme awe u vha muporofita. O vha o no lingedza u wana pfunzo yawe huno a ita tshiñwe na tshiñwe tshe a kona u rengulula vhathu vhawe, ngauri o pfectesa uri o vha e wa u rengulula vhathu vhawe, fhedzi musi o no zwi pfectesa nga vhuimo ha theolodzhi. O pfumbudzwa. O vha tshikola tshavhuđi. O kona u funza Vhaegipita vhuṭali, vhe vha vha vhe vhathu vho thanyesaho shangoni. O divha zwa u bva na u dzhena. O divha Luñwalo u bva kha A u swika kha Z. O divha pfulufhedziso dze Mudzimu a ita. O dzi divha u bva kha vhuimo ha ḥhalukanyo. Huno o vha e—e munna muhulwane wa mmbi. Fhedzi liñwe ḫuyha siani la nga murahu la phangani, musi a tshi da ngomu Vhuhoneni ha Mudzimu, a tapela zwienda zwave kule huno a wa—nga milenzhe yawe, a tshi divha uri o vha e kha mavu makhethwa. Ho ngo kona u ima kha milenzhe yawe

musi a tshi da Vhuhoneni ha Mudzimu, o wa nga tshifhačuwo tshawe vhunga Abrahamu o ita. Ho ngo kona u ima Vhuhoneni ha Mudzimu.

¹⁸ Kha Ekisodo 19:19, musi vhatu vho nangiwaho vha Mudzimu u bva ngei murahu mađuvhani a Abrahamu, u bva kha Abrahamu hu da Isaka, Isaka hu da Yakobo, kha Yakobo hu da vhokhotsi, huno miňwaha nga murahu ha miňwaha yo bveledza vhanna vhakhethwa, vhanna vhahulwane, vhatu vho nangiwaho, lushaka lwo nangiwaho, vhatu vho khethefhadzwaho, vhakhethwa, huno vho shumela Mudzimu vhutshiloni havho. Huno liňwe duvha Mudzimu a ri, "Kuvhanganya Isiraele hafha nnđa, Ndi khou yo amba navho."

¹⁹ Fhedzi musi Mudzimu a tshi tsela fhasi n̄tha ha Thavha ya Sinai, huno thavha yořhe ya fara mulilo, huno vhutsi ho vha vhu tshi fhufha khayo vhunga ɻando, huno Ipfi la Mudzimu la vhomba. Isiraele a wa nga tshifhačuwo tshawe huno a ri, "I ri Mushe a ambe, huno hu si Mudzimu, uri ri songo fa." Munna, Vhuhoneni ha Mudzimu, u a limuha uri ndi ene muitazwivhi! Naho zwo ralo vho vha vho ralo, muňwe na muňwe, vho rubiswa u ya nga Mulayo. Vho vha vho no hwala milayo na tshiňwe na tshiňwe, fhedzi musi Mudzimu o amba huno vha sudzulutshela ngomu Vhuhoneni Hawe, vho limuha uri vho vha vhe nnđa, vho vha—vho vha songo luga, ho vha hu na tshinwe tshithu tshe tsha vha tshi tshi ɻahela, ngauri vho vha vhe Vhuhoneni ha Mudzimu. Ee. Huno vha ri, "I ri Mushe a ambe, huno hu si Mudzimu, ngauri arali Mudzimu a amba ri do fa rořhe. I ri Mushe a ri ambele."

²⁰ Ho vha hu kha Luka 5:8, uri musi Petro...oo, musi o vha e munna wa tshikhuna, na munna wa ɻuthuwedzo khulwane, maanda mahulwane ane ra a pfectesa. O vha a tshi nga khunzi, murei wa khovhe a divheaho. Fhedzi musi a tshi vhona dembe la Mudzimu li tshi itwa nga Munna zwawe, li tshi nga, le a li limuwa nga itsho tshifhinga tshe tsha dzhia vha fhiraho munna u posela khovhe dzořhe kha mambule he ene, nga pfunzo yawe yořhe, ndivho yawe ya u rea khovhe, a rea vhusiku hořhe huno a sa vhuye a dzhia tshithu. Fhedzi a pfa Muňwe a tshi ri, "Posani mambule aňu nga ngomu."

²¹ Huno musi a tshi thoma u kokodza, a vha na khovhe nnzhi-nnzhi, huno a limuha uri u munna wa tshivhi. Huno a ri, "Tuwa kha nne, O Murena, ngauri ndi munna wa tshivhi." Ndi nnyi o ambaho izwo? Petro Mukhethwa, Vhuhoneni ha Mudzimu, a humbela Mudzimu u tuwa vhuhoneni hawe, ngauri o dilimuwa sa muitazwivhi.

²² Abrahamu o dilimuwa sa "o khakhaho." Adamu o dilimuwa sa "o khakhaho," we a vha e murwa wa Mudzimu, o dilimuwa sa "o khakhaho." Mushe o dilimuwa sa "o khakhaho." Isiraele, a tshivhidzo na lushaka, yo dilimuwa sa "yo khakhaho." "Tuwa

kha nne, ngauri ndi munna wa tshivhi." Ho ngo lingedza u ri, "Zwino, ndi mukhethwa nahone ndo fanelu u tanganedza izwi." O ri, "Ndi munna wa tshivhi."

²³ Nga tshiñwe tshifhinga wa vhurereli ha tshitaela tshawe, na theolodzhi yothe ye a kona u guda phasi ha mudededzi muhulwane a no vhidzwa Gamaliele, dzina lawe lo vha li Saulo wa Tharasisi, line ra li divha sa Paulo, e wa vhurereli tshothe. O divha zwa u bva na u dzhena zweþhe zwa vhurereli havho. O vha e Mufarisei wa Mufarisei, nahone Muhevheru wa Vhahevheru. O vha e munna a divheaho, tshikola, o thanyaho, o talifhaho, o funzeaho, o whila uri o divha Mudzimu u bva a tshee lushie u ya nt̄ha. Fhedzi linwe ðuvha ndilani yawe ya u ya Damaseko, iyo Khavhu ya Mulilo ya mu penyela huno a wa nga yawe...nga milenzhe yawe, mavuni, buseni, huno a ri, "Murena, naa U ðo tðoda ndi tshi itani?" U pfumbudzwa hawe hoþhe, u pfumbudza hawe hoþhe ha theolodzhi, pfunzo yawe yoþhe a yo ngo amba tshithu musi o ima Vhuhoneni ha Mudzimu.

²⁴ Ndi do takalela u ima hafha lwa muniti huno nda amba uri izwo ndi zwenezwo zwithihi. Ni nga di vha no wana D.D., Ph.D., tshiñwe na tshiñwe tshine ni nga vha tshone, ni nga di vha no ya tshivhidzoni u bva ni tshee ñwana, ni nga di vha no ita mishumo yoþhe yo lugaho i re hone, fhedzi musi ni Vhuhoneni ha Mudzimu ni ðo pfa ni muþuku nga maanda nahone ni sa vhalawi.

²⁵ Paulo o limuha uri o vha o khakha, huno a wela mavuni, phasi ha thuthuwedzo na Maanda. Musi a tshi sedza nt̄ha huno a vhona onoyo Mudzimu we a mu vhona a tshi khou rera, huno... hanedzana, huno a elekanya uri o divha, huno o vhona uri o vha o khakha, a wa nga milenzhe yawe, mavuni, ngauri o vha e Vhuhoneni ha Mudzimu. O vhona iyo Khavhu ya Mulilo.

²⁶ Mini-ha nga ha Yohane Mukhethwa muhulwane wa Nzumbululo 1:7, musi o sumbedzwa bono, huno a sedza, huno a pfa Ipfi li tshi amba nae. Huno a rembuluwa uri a sedze uri a vhone Ipfi, huno a vhona zwiþomambone zwa sumbe zwa musuku. Huno Muñwe o vha o ima vhukati ha zwiþomambone zwa sumbe zwa musuku, e na mavhudzi a no nga wulu, maþo a tshi nga khavhu dla mulilo, milenzhe i tshi nga phuphu dla musinaseþha, O vha o divhofha nga mugwarelo wa musuku u mona na khundu, huno O vha a tshi vhidzwa Ipfi la Mudzimu. Huno musi Yohane Mukhethwa muhulwane o no tshimbila na Kristo, a gogodela marumbini Awe, musi o ita izwi zwithu zweþhe! Vhunga ndo amba nga matsheloni ano, mushumo wa Paulo wo fhira muñwe wa yavho. Hafha, nga murahu ha Yohane o no tshimbila na Yesu, o amba Nae, a edela Nae, a la Nae, fhedzi musi o no Mu vhona o ima heneffo, itsho tshiimo tsha vhugala, u ri o wa vhunga munna o faho milenzheni Yawe. Amene. Zwi elekanyeni!

²⁷ Ri nga kona u da tshivhidzoni huno ra amba huno ra renda Mudzimu, na zwiñwe-vho, fhedzi, oo, mukomana, musi ri tshi Mu vhona a tshi da, tshiñwe tshithu tshi do fhambana mbiluni dzashu! Ri nga di elekanya uri ri ita mushumo washu wa vhurereli nga u ya tshivhidzoni huno ra badela zwafumi zwashu. Ri nga di elekanya uri ri vhulunga milayo ya tshivhidzo huno ra dekesha ndaela dzothé, fhedzi luthihi kha ri Mu sedze, tshithu tshothé tsho shanduka ndilani yothe u mona hothe. Ee, ndi ngoho.

²⁸ Uyu munna muhulwane, Yohane Mukhethwa, munna muhulwane nga u ralo, Bivhili yo amba kha Nzumbululo 1:7, uri “o wa vhunga munna o faho.” Nga murahu ha miñwaha miraru na hafu ya vhuledzani na Kristo, muñwe wa vhañwali vha Dziepistola, o ñwala murahu Hawe, a la Nae tafulani, a edela Nae mmbetení, huno a vha na vhuledzani Nae huñwe na huñwe he A ya, fhedzi musi o rembuluwa uri a Mu vhone, o vha a si tshee na vhutshilo ho salaho khae. O wa vhunga munna o faho fhasi, kana mavuni. Zwo luga.

²⁹ Ri vhona Yesaya, kha Yesaya 6:5, vhunga ri kha di bva u vhala, uyu muporofita muhulwane wa maanda, ndi muñwe wa vhaporofita vhahulwanesa vha re hone Bivhilini. Hu na Bugu dza furathirathi dza Bivhili; hu na ndima dza furathirathi kha Yesaya. Yesaya u thoma kha Genesi, vhukati ha Yesaya u disa ngomu Testamente Ntswa, magumoni a Yesaya u disa ngomu Ñwahagidi; i tou vha kokotolo Genesi, Testamente Ntswa, na Nzumbululo. Zwo fhelela! Yesaya o vha e muñwe wa vhaporofita vhahulu. Fhedzi liñwe duvha o vha o gogodela kha tshanda tsha Usia khosi khulwane, Úsia o dzhiwi khae, huno o vha e fhasi. O vha e muthu wavhuði nga maanda, o vha e munna wavhuði o lugaho, arali iyo khosi yo lugaho (khosi yavhuði) yo mu limuwa sa munna mukhethwa huno ya mu vhulunga thembeleni yawe.

³⁰ Yesaya o vhona mabono. O vha e muporofita. Yesaya o rera Ipfi. O vha e mushumeli. Yesaya o vha e munna mukhethwa. Fhedzi liñwe duvha, o ima thembeleni, a tuwa muyani huno a vhona Vhugala ha Mudzimu. O vhona Vharunwa vhe na phapha kha zwifhañu Zwavho, phapha kha milenzhe Yavho, vha tshi fhufha nga phapha, vha tshi vhidzelela, “Mukhethwa, mukhethwa, mukhethwa ndi Murena Mudzimu Ramaandothe!”

³¹ Uyo muporofita o limuha uri o vha a si tshithu. A ri, “Khombo kha nñe, ngauri ndi munna wa milomo i songo kunaho.” Muporofita, muporofita wa maanda manzhisa wa Bivhili, muñwe wavho. “Ndi munna wa milomo i songo kunaho, huno ndi dzula vhukati ha vhathu vha re na milomo i songo kunaho. Khombo kha nñe, ngauri ndi vhona Vhugala ha Mudzimu.”

³² Huno a ri, musi uyo Murunwa o vhidzelela, “phuphu dza thembele dza dzinginyea dza ya phanda na murahu.” Mukomana, izwo zwi do ni ita...A si phuphu fhedzi dza thembele dzi no khou yo dzinginyea, fhedzi maṭadulu oṭhe na lifhasi zwi khou yo dzinginyea musi A tshi da hafhu. Thavha dzi do shavha, huno lwanzhe lu do ngalangala, huno lwa zhamba, “Ri dzumbe kha tshifhatuwo tsha Uyo o dzulaho kha Khulunqoni.” Tshi khou yo vha tshifhinga tshi ofhisaho. Ndi a ni vhudza, khonani ya muitazwivhi, ndi khwine ni tshi zwi ṭola. Izwo ndi zwone.

³³ Zwino, Yesaya o ri, “Khombo kha nne, ndi munna wa milomo i songo kunaho, huno ndi dzula vhukati ha vhatu vha songo kunaho. Huno nne, avha vhatu vha na milomo i songo kunaho.”

³⁴ Zwino elelwani, arali vhanna vhe vhakhethwa nga u ralo vho dilimuwa uri ndi vhone “vhatizwivhi” Vhuhoneni ha Mudzimu, naa muitazwivhi na a sa ofhi Mudzimu vha do itani nga ilo Duvha? Naa vhatu vha do itani vha no dzula miṭanganoni? Naa vhatu vha do itani vhe vha vhona Maanda a Mudzimu, vhe vha pfa u vhalela kha Ipf, vhe vha vhona Mudzimu Ene muṇe, huno (seli ha murunzi wa u timatima) Luñwalo luñwe na luñwe lwo khunyelela, huno vha tshi do lingedza u ya ṭaḍulu hu si na u bebwa hafhu na u ṭanganedza Muya Mukhethwa? Bivhili yo ri, “Arali munna o lugaho a tshi tshidzwa nga hułuku, naa muitazwivhi na a sa ofhi Mudzimu vha do vhonala ngafhi?” Naa ndi lushaka-de lwa fhethu lune ra khou yo ima ngomu halwo arali ri tshi vhona Mudzimu a tshi Dipetulula henehfo phanḍa hashu, huno ra vhona Vhugala ha Mudzimu u tou fana na vhanna vho ita, huno ulwo lushaka lwa vhanna lwa vhidzelela, vhaporofita na vha vhuṭali kha avho vhane Ipf la vhewa khavho? Arali vho lila, huno vha wela milenzheni yavho, huno vha zhamba, “Ndi munna wa milomo i songo kunaho, tshika,” naa zwi do vha mini tshifhingani itsho kha uyo munna ase a si nga vhui a bula zwivhi zwawe? Naa zwi do vha mini kha uyo muswa ase a sa do bula zwivhi zwa wa mutukana kana zwa wa musidzana? Naa zwi do vha mini kha uyo munna wa mbilu i kondaho a no elekanya uri u divha zwo engedzeaho nga ha tsiko ya Mudzimu u fhira Mudzimu a tshi ita Ene muṇe? Naa hu do bvelela mini kha uyo munna we a tshila vhutshilo hawé hoṭhe a tshi khou lingedza u sumbedza uri Bivhili yo khakhea? Naa uyo munna u do bvelela ngafhi? Zwi elekanyeni!

³⁵ Uvhu ndi vhuevangeli. Itshi ndi tshifhinga tsha u dzinginyisa vhatu. Itshi ndi tshifhinga tshe Mudzimu a ri hu do da tshifhinga, O dzinginyisa Thavha ya Sinai nga tshiñwe tshifhinga fhedzi hu do da u dzinginyisa hafhu, uri U “do dzinginyisa fhedzi Thavha ya Sinai, fhedzi U do dzinginyisa tshiñwe na tshiñwe tshire tshi nga dzinginyiswa.” Fhedzi no dzhiela nzhele Luñwalo lwoṭhe lwo salaho? “Fhedzi ri ṭanganedza Muvhuso une u nga si sudzuluswe!” Haleļuya!

Tshiñwe na tshiñwe tshine tshi nga dzinginyiswa tshi do dzinginyiswa. Mañadulu a do dzinginyea. Lifhasi li do dzinginyea. “Mañadulu na lifhasi zwi do lovha, fhedzi iło Ipfi li nga si lovhe na khathihi. Ngauri kha ili tombo Ndi do fhata Tshihidzo Tshanga, huno khoro dza vhudzulavhafu dzi nga si kunde na khathihi dzi tshi hanedzana Natsho.” Tshiñwe na tshiñwe tshine tshi nga dzinginyiswa tshi do dzinginyiswa. Fhedzi ri ḥanganedza Muvhuso une wa vha Ipfi la Mudzimu Lone line, huno Mudzimu ndi Ipfi Lawe. Ha Didzinginyisi. Amene! Yawee, nñenñe! “Fhedzi ri ḥanganedza Muvhuso une u nga si sudzuluswe,” a u dzinginyei, o amba Paulo muñwali wa Muhevheru.

³⁶ Muthu o raloho na munna o raloho, tshifhinga tsho raloho na nga ndila ye vha pfa! Riñe na riñe, riñe vhañe, ro vhona Vhugala ha Mudzimu vhunga avha vhanna vho ita. Ngoho. Ro Vhu vhona. Ro vhona Vhugala ha Mudzimu vhunga Abrahamu o Vhu vhona. Ro vhona Vhugala ha Mudzimu vhunga Mushe o Vhu vhona, Khavhu ya Mulilo yeneyo nthihi, Maanda a Mudzimu eneo mathihi, Kristo onoyo muthihi un-... a tshi Didzumbulula, a tshi Disumbedza, a tshi vhulunga Ipfi Lawe nga quvha la u fhedzisela. Naa ri nga kona u da tsini tshifhingani tshenetsho, huno ra tshimbila nahone ra Li fara nga ndila i leluwaho nga maanda? Naa ri nga tshimbila u mona hoñhe huno ra fara ndaela dzashu na dzidinomineisheni, huno ra si dzhie Ipfi la Mudzimu? Naa zwi do vha mini kha riñe nga iło Duvha? Naa zwi do bvelela kha riñe hani, musi ro no vhona Vhugala ha Mudzimu?

³⁷ Vhanwe vhathe vha do ima huno vha nga di tamba Ngalo, vhañwe vha do Li sea, vhañwe vha do Li vhidza vhusweleli ho kalulaho, vhañwe vha Li vhidza u vhalo muhumbulo, vhañwe vha Li vhidza Belesebulu, vhañwe vha Li vhidza tshithu tshithihi kana tshiñwe. Vhunga mirero ya kale i, “Matsilu a do tshimbila nga zwienda zwa zwibigiri zwipfufhi zwa ḥohoh khulwane hune Vharunwa vha ofha u kanda.” Izwo ndi zwone. “Tsilu lo amba mbiluni yalo, ‘A hu na Mudzimu.’” Musi li tshi vhona Mudzimu o vhonadzwa nga ndila yo fhelelaho tshothe nga Ipfi La Ene mune (hu si nga ndaela; fhedzi nga Ipfi Lawe), huno zwenezwo la tshimbila henefho n̄tha Halo huno la tamba Ngalo, ndi tsilu. Ngauri, ndi, Mudzimu ndi Ipfi, huno Mudzimu o Diita khagala kha ene, huno ndi ene “tsilu,” Bivhili yo amba. Naa zwi do vha mini khae musi a tshi do tea u ima afho fhethu? Zwi do vha—zwi do vha zwi ofhisaho kha uyo munna nga iło Duvha, a sa ofhi Mudzimu.

³⁸ Vhaitazwivhi vho shandukaho, naho, vha si na nyofho. Oo, hai. Muitazwivhi a no do shanduka, u a ñivha uri hu na Tshithavhelo tsha malofha tsho lindelaho, u ima fhethu hawe. Izwo ndi zwine zwa nñea khuthadzo. Ndo no vhona Vhugala ha Mudzimu. Ndo no pfa maanda Awe. Ndi a ñivha u kwamiwa nga tshanda Tshawe. Ndi a ñivha u kwamiwa nga u rwiwa Hawe.

Ndi a divha uri Ndi Mudzimu. Huno ndi a divha uri a tho ngo fhelela, fhedzi hu na Muňwe o nnyimelaho heneffho. Amene. Hu na Muňwe a no ima heneffho huno a ri, "Khotsi, vhea vhutshinyi hawe hothe kha Nne, ngauri o Nnyimela fhasi kha lifhasi." Haleluya! Zwenezwo ndi a tshimbila nda ya kha Khuluňoni ya Mudzimu, ndi na tshivhindi, ndi na tshilidzi mbiluni yanga, u divha uri a si nga mishumo yavhuđi, fhedzi nga khathutshelo Yawe ndo tshidzwa. Hu si nga zwe nda kona u ita, zwe nda kona u vha murado wazwo, zwe nda kona u amba; fhedzi ndi nga khathutshelo Yawe lwe A ntshidza.

³⁹ A zwi mangadzi murendi uyo o faraho izwo, o zhamba, "Tshilidzi tshi mangadzaho, mubvumo u difha hani, we wa tshidza muthu a ḥungufhadzaho sa nne. Ndo vha ndo xela luthihi, fhedzi zwino ndo waniwa; ndo pofula, fhedzi zwino ndi a vhona."

⁴⁰ Naa ndi nga vhuya nda ya Ṭađulu hani? Naa ni nga ya Ṭađulu hani? Ri nga si kone u zwi ita, riňe, nahone a hu na ndila ya uri riňe ri zwi ite. Fhedzi hu na Muthihi o itwaho ndila. Huno Ndi ene Ndila. Huno ri ya hani Khae? Nga Muya muthihi, Muya Wawe, ri lovhedzwa ngomu Muvhilini muthihi une wa do vuswa vhunga obiti. Ri do bva kha lifhasi vhunga vhaendatshikhalańi vha lino duvha nga lutendo lwa Mudzimu. Amene. Ngoho. Vhaitazwivhi vho shandukaho a vha tei u vhilaela, Muňwe u hone fhethu havho.

⁴¹ Oo, zwenezwo nga murahu ha musi ro no da ngomu Vhuhoneni Hawe zwino, huno ri tshi divha uri ro vha ri Vhuhoneni Hawe, ro Mu vhona a tshi ita zwithu zve A ita musi we A vha e hafha kha lifhasi. Naa ni divha hani... Naa ni divha hani mučokola une na khou u sedza? Ngauri mutshelo une wa anwa. Naa ni divha hani tshivhidzo tshire na khou ya khatsho? Nga mutshelo une wa anwa. Yesu o ri, "Ane a tenda kha Nne, mishumo ine Nda ita u do ita na ene. Izwi zwiga zwi do tevhela avho vha no tenda."

⁴² Zwino, ri a vhona uri Ene na khathihi ho ngo ri odeina u ya ra ita dzidinomineisheni. Ene na khathihi ho ngo ri odeina u ita dzindaela. Fhedzi O ri kaidza kha vho raloho. "Ngauri ane a do dzhia tshiňwe tshithu Khało kana a engedza tshiňwe tshithu Khało, zwenezwo zwi fanaho zwi do ḥuswa, mukovhe wavho, Buguni ya Vhutshilo." Ni a vhona?

⁴³ Ngauralo, a ro ngo odeiniwa u ita tshithu nga nnđa ha u dzula na iło Ipfi. Huno arali munna o ruňwa nga Mudzimu, u do dzula na Ipfi, ngauri Mudzimu a nga kona fhedzi u ruma nga Ipfi Ławę. Ni a vhona? Ni a vhona, U fanela u dzula nga Ipfi Ławę. Zwenezwo musi ri tshi da ngomu Vhuhoneni Hawe, musi munna a tshi da luthihi ngomu Vhuhoneni ha Mudzimu, o shanduka lwa lini na lini, arali hu na u shanduka khae. Zwino, hu na avho vhane vha nga kona u tshimbila Vhuhoneni ha Mudzimu

huno vha si dzhie tshenzhemo Yało. O vha a songo odeiniwa kha Vhutshilo. Fhedzi arali o vha o tiwa nga Mudzimu, nga u ṭavhanya musi uyo musudzuluwo wa u thoma u tshi rwa, u a zwi divha. Izwo zwi fara mulilo.

⁴⁴ Sedzani uyo murengisamuvhili muṭuku ngei phasi nga ilo ḫuvha Samaria, uyo musadzi. O vha e kha tshivhumbeo tsho vhifhaho ḫhalukanyoni na muvhilini. Ri zwi divha izwo. Fhedzi nga u ṭavhanya o no vhona itsho tshiga tshi tshi itwa, tsha Mesia, a ri, “Ri a divha uri Mesia u khou ḫa u ita izwi. Iwe u fanela u vha u muporofita Wawe.”

A ri, “Ndi uyo Mesia we a ḫwaliwa uri u ḫo ḫa.”

⁴⁵ O zwi limuwa. Ene na khathihi ho ngo vhudzisa iñwe mbudziso. O thoma nga u ṭavhanya na vhudifhinduleli, u divha uri arali o wana izwo huno a ḫa ngomu Vhuhoneni ha Mudzimu, o vha e na vhudifhinduleli ha u vhudza muñwe muthu-vho nga hazwo. Haleļuya! Ndi zwone. Munna muñwe na muñwe a no ḫa ngomu Vhuhoneni ha Mudzimu u na vhudifhinduleli phanda ha Mudzimu, u bva nga uyo muniti u ya phanda, u vhudza muñwe muthu-vho. Sedzani Abrahamu, sedzani Mushe, sedzani Petro, sedzani Paulo. Nga tshikhathinyana tshine vha ḫa ngomu Vhuhoneni ha Mudzimu, vha dilimuwa sa “vhaitazivhī,” huno vha pfunela vhutanzi havhō nga vhutshilo havho. Sedzani mufumakadzi muṭuku, ho ngo kona u ḫwa o dzula, o ya mudini huno a vhudza vhanna, “Idani, vhonani Munna we a mmbudza zwithu zwe nda ita. Naa uyu a si Mesia?” A vho ngo kona u Li hana, ngauri Lo vha li la Luñwalo. Zwa vhukuma. Ee, vha tea u zwi ita, munna, musi ḫi na vhudifhinduleli ha u vhudza vhañwe sa Mushe o ita, sa Petro o ita, sa Paulo o ita. Nga murahu ha izwi zwithu, no no Li vhonanu na ḫa ngomu Vhuhoneni Hawe, inwi ni na vhudifhinduleli ha Mulaedza u u isa kha muñwe muthu-vho. Inwi ni nga si kone u dzula na dzika Nawo. Ni fanela u U dzhia na u isa kha muñwe muthu-vho.

⁴⁶ Ndi a elelwa uri khaladzi wa kale o vha a tshi anzela u vha fhano, mme a Mukomana Graham Snelling, o vha a tshi anzela u dzula henefha tshivhidzoni, huno o vha a tshi ḫo imba, “Ndo pfukela nga hangei! Ndi khou gidima, gidima, gidima, huno ndi kha ḫi bva u pfukela nga hangei huno a thi koni u dzula phasi.” U kha ḫi bva u wana tshiñwe tshithu. Ndo ya ngei kha tshivhidzo tshiñku nga makhaladi nga hangeno Louisville, na vhone vhothe vho vha vho ima, vha tshi khou imba, “Ndi khou gidima n̄tha ha Gondo ḫa Khosi, ndi kha ḫi bva u Li wana, huno nda dzhia Gondo!”

⁴⁷ Hu na tshiñwe tshithu nga hazwo, musi ni tshi wana Kristo, ni nga si tsha kona u fhumula. Mađuvha anu oğhe o salaho ni muthu o shandukaho, ngauri musi vhutshilo na Vhutshilo zwi tshi ṭangana, zwi ita Tshedza tshi penyaho. Ngoho. Musi iyo gulupu i tshi ṭumekana na lurale, arali i gulupu i re yone, i tea u

nea tshedza; musi kharenthe na gulupu zwi tshi ḥangana, a hu na tshi no ḫo itwa nga nn̄da ha u balanganya tshedza. Tsho ḫo tea u zwi ita. Huno musi munna kana musadzi vho telwa Vhutshilo Vhu Sa Fheli, huno vha tshi vhona kharenthe ya Mudzimu i tshi fara iyo gulupu, vhu ḫo posela Tshedza huiwe na huṇwe hune ha kona. Ni nga di vha ni sa fhiri wati dza fumi, fhedzi ni ḫo balanganya Tshedza tshire na vha natsho. Arali ni si wati dza madana maṭanu, balanganyani Tshedza tsha wati dza fumi. Neani Tshedza tshanu! “I ri ni tshedza tshanu tshi penye phanda ha vhathu, uri vha ḫone u vhona mishumo yanu yavhuḍi huno vha nea vhugala Khotsi a re ngei Taḍulu.” Ee, muṇe wanga.

⁴⁸ Musi muthu a tshi vha na vhukwamani na Mudzimu, u dilimuwa a “si wavhuḍi.” Naa muthu a nga tshimbila hani u mona hoṭhe huno a zuwa nga ha uri ndi muhulu hani na zwe a zwi ita, ngeno a si tshithu? Ha tshithu tsha u tou thoma. Liṅwe duvha phasi ngei Memphis, Tennessee, kana huthihi... A thi elekanyi uri ho vha hu ngei Memphis. Ho vha hu huthihi ha mafhethu henengei. Ndo vha ndi na Mukomana Davis huno ro vha ri na mvu—mvuseledzo. Hu nga di vha ho vha hu Memphis. Huno ro vha ri vhe vha, ya holoni, huno ngomu heneffo vho vha vhe na, hu si holo, ho vha hu tshi nga tshifhaṭo tsha vhukonesi, huno vho vha vhe na zwi—zwitashiu zwihulwane zwe vha vha nazwo zwi bvaho kha zwipida zwo fhambanaho zwa liphasi, zwa zwo fhambanaho, Hercules na zwiṇwe-vho, na vhaoli vhahulwane vho pennda. Huno zwenezwo vho vha vhe na tsenguluso ya munna we a vha a tshi lemela phaundu dza dana na futhanu. Inwi ni a divha uri mini, uri ni na ndeme zwinngafhani? Sente dza fumaloīṇa. Ndi zwenezwo fhedzi zwine a vha zwone. Sente dza fumaloīṇa ndi dzoṭhe—dzoṭhe khemikhaṭa dzine ni nga dzi wana khae. U tou vha na galaga yo edanaho u shasha tshiṭaha tsha phambo, huno u na tsho edanaho, hu tou vha na khalisiamu ṭukhunyana, potasi ṭukhku. Žwoṭhe zwi do rengiswa nga sente dza fumaloīṇa. Fhedzi ri tou londa sente dza fumaloīṇa huno ra zwi ṭhogomēla.

⁴⁹ Ho vha hu na vhatukana vhavhili vho imaho heneffo, huno muṇwe o vhonala a tshi nga uyo muṇwe, a amba, “Jim, a ri na ndeme nga maandā ri ralo?”

A ri, “Hai, a ri ralo, John.”

⁵⁰ Nda ri, “Fhedzi lindelani lwa muniti, vhatukana, ni na muya ngomu heneffo u re na ndeme ya mashango a zwigidi zwa fumi, e a vha hone, ane a nga kona u rengululwa nga maandā a Mudzimu, arali ni tshi do tou zwi tendela.”

⁵¹ Muthu, musi a tshi vhona izwi zwithu, u na vhudifhinduleli ha u vhudza vhaṇwe. Ndo zwi vhona musi ndi tshi kha di vha mutukana. Ndo fhedza vhutshilo hoṭhe khazwo. Ndi a disola fhedzi uri ndo wana vhutshilo vhuthihi, ndi tama ngavhe ndo vha ndi na zwigidi zwa fumi. Arali ndo vha ndi na Vhutshilotshedza,

ndo vha ndi tshi kha di do ḥoda u vhudza vhathu nga hazwo, ngauri ndi tshithu tshihulwané tshe nda vhuya nda tshi wana. Arali ni tshi do vhala kha Hesekiele 33, ndima ya vhu33 ya Hesekiele, ho vha hu na mulindi we a vha o dzula kha thawa, huno uyu mulindi o vha e na vhudifhinduleli ha mudi wothe. Amene. Zwino, vuwani, divuseni kha luvalo lwaṇu lwa muniti, musi ndi tshi da kha ulu Luṇwalo. Uyo mulindi o do tea u vha munna o pfumbudziwaho. O do tea u divha zwe a vha a tshi khouta, ngauri kha tshikhala tshiñwe na tshiñwe, nga u ḥavhanya vha tshi vuwa, swina, o kona u li pfa. O kona u amba u matsha havho, o kona u amba muvhala wavho, o kona u amba vhuimo havho na faela. Henefho kule he maṭo a muthu a kona u vhona, o kona u zwi vhona. Huno o vha e n̄tha u fhira vhaṇwe vhothe, ngauri o vha o pfumbudziwa u divha swina. Huno Mudzimu o ḥoda mudi wothe tshandani tshawe. “Mulindi, mini nga ha vhusiku?” Haleluya!

⁵² Iyo ndi ndila ine maswole a Mudzimu a vha ngayo namusi. A pfumbudzelwa kha Ipfi. Musi tshiñwe tshithu tshi tshi da n̄tha tshire tsha vha na pholishi khatsho, tshi re na tshiñwe tshithuvho tshire tsha sa vhe Luṇwalo, vha tsivhudza tshivhidzo tshavho. Tshiñwe na tshiñwe tshire tsha sa vhe Bivhili, tshiñwe na tshiñwe tshire tsha sa—tshire tsha sa nge Mudzimu, u fana na u vha na zwilalelo zwa swobo, mitshino, na tshiñwe na tshiñwevho, u badela vhafunzi. Izwo zwithu zwo khakhea. Mitambo ya bankho na zwimima zwa magaraṭa zwivhidzoni, zwo khakhea! Huno mulindi wa vhukuma kha luvhondo, we a vhuya a vha Vhuhoneni ha Mudzimu. . . Arali a siho kha luvhondo, arali a tshi tou tea u vha kha luvhondo, luvhondo lu nga di vha lu si n̄tha u fhira vhaṇwe vhothe vha tshivhidzo. Fhedzi arali e mulindi o lulamaho, Mudzimu u mu takulela n̄tha thwii ngomu vhuponi u fhira vhaṇwe vhothe vhane na khāthihi vha sa swike hone. Fhedzi u sedza sambi, huno Mudzimu u a zwi ḥoda khae! Munna wa Mudzimu a no ima Vhuhoneni ha Mudzimu, huno a tshi divha uri Mudzimu ndi Mudzimu, huno a tshi divha uri Mudzimu u vhulunga Ipfi Lawe, huno a sedza Mudzimu a tshi shuma Ene muṇe huno a ita mushumo Wawe nahone a vhulunga Ipfi Lawe, zwenezwo a hu londwi uri ndi madzangano manngana kana dinomineisheni dzi no lingedza u Li kherula, u divha vhuimo na faela ya swina. Amene. U a divha zwine a tea u vhudza tshivhidzo, mulindi wa vhukuma.

⁵³ Arali ro bula uri Ndi ene, ro vha ri Vhuhoneni Hawe, huno ro bula zwivhi zwashu, zwo phunyiwa buguni ya nyelelwō Yawe. A hu na muthu nga nn̄da ha Mudzimu ane a nga ita izwo. Zwino, inwi ni nga ita tshithu tshiñwe na tshiñwe kha nne, ndi do ni hangwela, fhedzi ndi do tshi elelwa. Arali nda ita tshiñwe tshithu kha inwi, inwi ni do nkhangwela, fhedzi ni do tshi elelwa. Fhedzi Mudzimu u a kona u hangwela nahone a zwi hangwa. Elekanyani nga ha izwo, “a sa vhuye a zwi elelwa!” Amene. Izwo zwi nnyita

uri ndi pfe ndi wavhuđi. Musi zwi sa vhuyi zwa elelwa, a hu na tshine tshi nga zwi ita nga nnđa ha Mudzimu. A hu na tshithu nga nnđa ha Mudzimu ane a nga kona u ita izwo. O amba uri U do zwi phunya kha bugu Yawe ya nyelelwo. Ndi nga si kone u zwi ita, ni nga si kone u zwi ita, ngauri ri na izwi zwipfi zwiđuku zwi re na magumo. Fhedzi Ene ha na magumo, Mudzimu, A nga kona u hangwa uri zwe vhuya zwa itwa. Amene.

⁵⁴ Mufumakadzi muswa u bva kha tshivhidzo tsha shango, huno khotsi awe vho vha mureri wa fesheni ya kale, a ḥavhaho mukosi, kana murado wa tshivhidzo. Huno ngauralo a dzhena ngomu mudini, huno a ḥanganana tshođhe nga vhasadzi fhasi henehfo, huno a thoma u ita vhunga vho ita, na dzifesheni. Huno liňwe đuvha o vha a tshi nga u na ḥoni nga baba vhawen na mma vha no khou da, kana khotsi awe, kha ndi ralo, mme awe vho vha vho lovha. Ngauralo mukalaha, tshithu fhedzi tshire a do ita, a vuwa nga matsheloni, a la vhuragane hawen huno a wana Bivhili huno a I vhala, huno a lila huno a rabela nahone a ḥavha mukosi đuvha lođhe, huno a gidima n̄tha na fhasi lufherani, huno a pfa o holedzwa zwiđuku nga hazwo. Ngauralo zwenezwo—zwenezwo musi tshifhinga tshođhe nga kha vhusiku, arali o fara Bivhili, a thoma u I vhala, o vha a tshi vuwa mmbeten, huno a huwelela, “Vhugala kha Mudzimu! Haļeluya! Oo, vhugala kha Mudzimu!” A sokou rwisa mulenzhe wawé fhasi huno a lila hafu ya vhusiku.

⁵⁵ Ngauralo liňwe đuvha o vha a tshi khou yo mvumvusa mirado ya tshivhidzo tshawe kha tshimima zwiđuku tsha tie vhunga tshifhinga tshođhe vha tshi vha nazwo, inwi ni a divha, ngauralo ho ngo divha uri o vha a tshi khou yo ita mini nga baba vhawen. Ḳali, ho vha hu baba vhawen. Ngauralo a dzhia tsheo ya uri u do mu vhea n̄tha kha tshikhala, huno a ri, “Baba, vhone a vha ḫodi u vha u mona hođhe hune avha vhasadzi vha vha hone, vha a ralo?”

Ha pfi, “Hai, a thi tendi uri ndi ḫoda u ita izwo.”

⁵⁶ Vha ri, “Zwo luga, ri khou yo vha na vhasadzi vha tshivhidzo ngeno n̄tha ḥamusi, huno ri khou yo vha na muđangano muđuku, muđangano muđuku wa thabelo. Ngauralo ndi—ndi a vha vhudza, baba, ndi ngani vha sa tou gonya ngei tshikhala?”

Ha pfi, “Ndi tou tenda uri ndi do ita izwo.”

⁵⁷ Ngauralo wa musadzi a ri, “Kha vha vhale iyi bugu yavhuđi.” Huno a vha nea divhashango. A Ḳusa Bivhili yaye kule nae u itela uri a dzike. Ngauralo o divha uri arali o vhala Bivhili, mulandu, u do ya kha u ita phoshó khulu ngei n̄tha. Ngauralo ene henehfo nga n̄tha havho, inwi ni a divha, he vha vha vhe na tshimima tshavho. Ngauralo a mu nea divhashango, a ri, “Iyi ndi yavhuđi. Vha tea u i vhala, baba, ngauri i vha vhudza ngoho yođhe nga ha shango.”

Zwo luga, ha pfi, “Ndi do takalela u vhala iyo.”

⁵⁸ Ngauralo vha ri, “Zwino inwi ni gonye henengei n̄tha huno ni dzike lwa vhukuma u swika avha vhasadzi vha tshi ūwa, huno zwenezwo ndi do . . . inwi ni da murahu fhasi huno ni nga kona u ita tshiñwe na tshinwe tshine na ḥoda.” Vha tenda u zwi ita. Ngauralo vha gonya apositizi, vha dzula henengei n̄tha.

⁵⁹ Huno vhothe vho vha vhe kha tshimima tshavho tsha tie, inwi ni a ȳivha, vha tshi khou amba nga ha *mukeneriene*, huno ni a ȳivha uri zwi tshimbila hani, vhe na itsho tshifhinga tshothe tshihulu. Huno nga itsho tshifhinga tshiñwe tshithu tsha tumula tsha vhoftolola apositizi, u zhamba hothe na u fhufha, na bulasitele i tshi khou wa. Mukalaha a tshi khou gidima n̄tha na fhasi nga kha tshikhala vhunga nga maanda u ya nga he a kona u ya, a tshi khou fhufha n̄tha na fhasi, nahone a tshi huwelela, “Vhugala kha Mudzimu! Vhugala kha Mudzimu!” Vhasadzi a vho ngo ȳivha zwe zwa bvelela heneffo n̄tha, zwe vha vha vhe nazwo apositizi. Ngauralo u livhana na zwitepisi u a da, nga maanda u ya nga hune a kona u ya.

A ri, “Baba, ndi vha nea ȳivhashango u vhala.”

⁶⁰ Ha pfi, “Ee, ndi a zwi ȳivha. Inwi ni a ȳivha,” ha pfi, “ndo vha ndi tshi khou vhala kha iyi ȳivhashango hafha hune ha vha na mafhetu lwanzheni ane a sa vhe na fhasi khao.” Huno ha pfi, “Ndo vhala nga hangeno Bivhilini mulovha, O amba uri O vhea zwivhi zwanga kha ‘lwanzhe lwa khangwa.’ Vhugala kha Mudzimu! . . . ? . . .” Ha pfi, “Zwi kha di tshimbila. A zwi na magumo, zwi dzulela u tshimbila.” Izwo ndi zwone. Huno o vha a tshi khou ṭavha mukosi nga hazwo. Zwo luga, izwo ndi zwone.

⁶¹ Mudzimu u vhea zwivhi zwashu lwanzheni lwa khangwa, u a zwi phunya, huno zwi nga a zwo ngo vhuya zwa bvelela na khathihi. Yawee, nne-nne! Zwenezwo ri ima nga tshilidzi tsha Mudzimu, nga kha Yesu Kristo Murena washu, ro ṭamba nahone ri vhakhethwa, u tou vha vhakhethwa vhunga Ene o vha o ralo, ngauri Ha mmboni musi ndi tshi da heneffo n̄tha, U vhona Murwa Wa Ene muṇe. Ndila i yothe ine A nga kona u vhona . . . A nga si kone u mmbona, ngauri ndi kha Murwa Wawe. Huno Ene u vhona fhedzi Murwa Wawe. Naa izwo a zwi mangadzi? A ri tei u ṭwa ri tshi elekanya nga ha zwivhi, zwo ṭuwa zwothe, zwi fhasi ha Malofha. Ee, muṇe wanga. A ni tei u ṭwa ni tshi vhilaela nga hazwo, zwo bva zwothe, nahone zwo bva kha nyelelwo ya Mudzimu. Ha tsha zwi elelwa na luthihi.

⁶² Yesaya, uyo muporofita wa maanda, musi o bula zwivhi zwawe, o ri, “Khombo kha nne, ngauri ndi munna wa milomo i songo kunaho.” Muporofita! “Ndi munna wa milomo i songo kunaho, huno tshivhidzo tshanga a tsho ngo kuna.” Ni a vhona? “Vhathu vhane nda vha rerela, a vho ngo kuna. A tho ngo kuna. Huno khombo kha nne. Fhedzi hafha hu da tshivhalonyana tsha Vharuňwa fhasi vha tshi bva Vhugalani ha Mudzimu, vha tshi vhudzulela murahu ma—makole, huno nne nda sedza heneffo

n̄tha huno nda vhona vhutsi Hawe vhu tshi ḍala Tadulu lothe. Huno ndi sedza avha Vharuňwa vhe vha s̄i vhuye vha divha uri tshivhi ndi mini na khathihi. Vhone na khathihi a vho ngo divha uri tshivhi ndi mini, huno henefho, ngomu Vhuhoneni ha Mudzimu, vha na phapha mbili kha zwifhačuwo zwavho, vha na phapha mbili kha milenzhe yavho, huno vha fhufha nga phapha mbili, huno vha vhidzelela masiari na vhusiku, ‘Mukhethwa, mukhethwa, mukhethwa ndi Murena Mudzimu.’” Whew. Izwo zwi do ni ita uri ni pfe ni tshi nga a ni mukhethwa, a zwi nga do ralo? Zwino, naa o ita mini? O ri, “Khombo kha nne.”

⁶³ Huno musi o bula zwivhi zwawe huno a ri “khombo kha nne,” Muruňwa o ya nga hangei huno a dzhia lumano, huno a doba simbe le la imela Muya Mukhethwa na Mulilo, huno a da nga hangeno huno a li vhea milomoni ya muporofita, huno a ri, “Ndo u kunakisa.” Zwenezwo phapha dzi tshi vhudzula ndila yadzo nga u ralo, dzo sudzulusela kule xaradeni dza tshifhinga, huno a pfa Mudzimu a tshi ri, “Ndi nnyi a no do ri yela?”

⁶⁴ Fhedzi na murahu ha musi o no wanulusa uri ho vha hu na ndila ya u sunda tshivhi, Mudzimu o ḫoda muňwe muthu wa u Mu yela, huno a ri, “Hafha ndi hone, nthume.” O vha e kha Vhuhone ha Mudzimu, huno o no bula zwivhi zwawe, huno o ḫanzwiwa zwivhini zwawe, huno o vha o lugela tshumelo. Amene.

⁶⁵ Vhunga murendi o fara izwo, a ri, “Vha dzimilioni zwino vhe tshivhini na kha ḫtoni vha khou fa, thetshelesani tshililo tshavho tshi ḫungufhadzaho na u vhavha. ḫavhanyani, mukomana, tavhanyani ni vha lamukise; ḫavhanyani ni fhindule, ‘Mune, hafha ndi hone.’”

⁶⁶ Musi ndi tshi elekanya nga ha Afurika, India, na u mona na shango, vhahedeni vha dzimilioni vha khou zhamba na u lilela khathutshelo, huno ndi nnyi a no do ya? Hu si u vha fhirisela phamfulethe, fhedzi na vha disela Yesu Kristo. Muňwe muthu Vhuhoneni Hawe, vhunga Mushe, we a vha a tshi kona u tsela fhasi huno a vha sumbedza thengululo ya ngoho. Hu si u vha ita uri vha vhe mirado ya tshivhidzo, kana u dzinginyisa zwanda huno vha vha na ndaela, fhedzi u disa thengululo kha muya wavho; muňwe munna wavhudzi wa u ofha Mudzimu. Ee, Yesaya o bula zwivhi zwawe huno a kunakiswa.

⁶⁷ Nga murahu ha musi Yakobo o ita tsimbe vhusiku hothe, nga u bula zwivhi zwawe, inwi ni a elelwa fhethu he a vha e hone? Ho vha hu tshi pfi Peniel, P-e-n-i-t-e-l, Peniel. Iphi Peniel, nga Tshihevheru, li amba “tshifhačuwo tsha Mudzimu Ramaandaothe.” Yakobo, mudziathoni mučuku o no gidimisa dzothe... dzina lawe lo vha li Yakobo, line la amba “mufhuri,” uyo ndi mudzia-u-fhura, o no gidimisa vhutshilo hawe hothe, kule na Mudzimu, fhedzi musi o wana nga tshinwe tshifhinga Vhuhoneni ha Mudzimu ngei Peniel, kha tshifhačuwo tsha Mudzimu, o fara Mudzimu huno a si Mu vhofholole. Mudzimu,

ri ḥoda Vhoyakobo vho engedzeaho. O farelela kha tshifhaṭuwo tsha Mudzimu, Vhuhoneni ha Mudzimu, o dzula u swika ḫuvha li tshi ṭavha. Mudzimu a ri, “I ri Ndi ṭuwe, ngauri ḫuvha li khou bva.” Huno o dzula tshifhaṭuwoni tsha Mudzimu u swika ḫuvha li tshi ṭavha, fhedzi o ṭuwa o itwa o lugaho nahone o tshidzwa. Huh.

⁶⁸ Oo, tsho vha tshi tshithu tshihulwane-de, zwino, u ḫivha uri o ita tsimbe a kunda. Izwo ndi, o no vhona zwiga zwa Mudzimu, o vha o no vha na miloro nga ha Mudzimu, fhedzi izwi zwo vha zwi nga tshiñwe tshifhinga o vha e kha tshifhaṭuwo tsha Mudzimu, Vhuhoneni ha Mudzimu. Zwi elekanyeni, dzikhonani. Zwino, musi ri tshi dzhaya. Vhuhoneni ha Mudzimu, munna u a shandukiswa. Yakobo o shandukiswa. Zwino o kona u tshimbila na Mudzimu. Ee, o vha e munna o fhambanaho u fhira zwe a vha e zwone musi a tshi gonya hangei. Nndwa yo vha yo no fhela. Ee, muñe wanga. Huno a thoma u fhaṭa alīṭari. O vha a songo ḫowela u fhaṭa dzialīṭari, inwi ni a divha. Fhedzi, ndi a ni vhudza, musi ni tshi da Vhuhoneni ha Mudzimu, ni ḥoda u fhaṭa alīṭari huñwe fhethu. Inwi ni ḥoda u wana huñwe fhethu hune ni nga rabela. O fhaṭa alīṭari. O kunakiswa, huno Mudzimu o wina.

⁶⁹ Huno Yakobo o shandukiswa u bva kha *Yakobo*, “mufhuri,” kha *Isiraele*, “mukololo, a re na maanda a Mudzimu.” Izwo ndi zwe zwa bvelela kha Yakobo. Mufhuri, mudzia-u-fhura, a songo lugaho, a si mukhethwa, mudzia-u-fhura, o fhura mukomana wawe, o tswa vhutanzhe, sa zwe ha vha hu zwone, kha mukomana wawe, o dzhia ndila ḫukhu ya tshika ya u zwi ita, mudzia-u-fhura o raloho. O fhura mazwale wawe. A vhea vhūṭasana ha mupopoliri huno a ita ḫamana dza zwithomathoma, musi kholomo dzi re na ḫamu dzi tshi da heneffo, dzi sedzeni, na dzinngu... u do vhona ulwo luṭasana lwa zwithomathoma huno a ita kholomo dza zwithomathoma, a dzi ḫea tswayo dza u dzwalwa. Mudzia-u-fhura, a tshi khou fhura mazwale wawe. O fhura mme awe, a fhura baba vhawé, a fhura mukomana wawe, fhedzi musi luthihi o dzhena... O vha e mudziaṭhoni. O vha a tshi khou gidima huñwe na huñwe he a ya, tshifhinga tshoṭhe a tshi shavha Mudzimu, o vha a tshi khou shavha mukomana wawe. Fhedzi musi a tshi da ngomu Vhuhoneni ha Mudzimu, o limuwa uri o vha e muitazwivhi. Naa o ita mini? Naa o ita mini? O vhona tshifhinga tshawe. O no ḫangana na tshiñwe tshithu tshe a sa elekanye nga hatsho u rangani, huno a dzula heneffo u swika zwivhi zwoṭhe zwo no ṭuwa. Yawee, nne-nne! Mudzimu o mu wana Vhuhoneni Ha Ene muñe.

⁷⁰ Mudzimu u langa ndila ya u wana vhathu Vhuhoneni hawé, zwenezwo vha dzhia tsheo yavho. Vhañwe vhavho vha a Mu shavha, vhañwe vha gidimela Khae. Arali vho telwa kha Vhutshilo, vha a Li tenda, vha a Li farelela. Arali vha si vhone, vha lingedza u ḫutshela kule huno vha ri, “A hu na tshithu

Khalo.” Ni a vhona? Huno uyo ndi munna o xelaho. “Munna a no bulu tshivhi tshawe, u do vha na khangwelo. Arali ni tshi dzumba tshivhi tshañu, ni nga si vuledze.” Hai.

⁷¹ Ngauralo Yakobo musi ene, inwi ni a divha, duvha li tevhelaho o tangana na Isau murathu wawe. Ho ngo ḥoda thuso i bvaho khae tshifhingani itsho. Ho ngo ḥoda mm̄bi dzawé. O vha e kha mushumo a tshi khou fhaṭa dzialitari. O vha a si tsha ofha Isau.

⁷² Dziphisalema 16:8, Dafita o ri, “Ndo vhea Murena phanda hanga.” Itsho ndi tshithu tshavhudu u tshi ita. Dziphisalema 16:8, “Ndo vhea Murena phana hanga.” Ngauralo, ho ngo kona u daða nga nthani hazwo. U vha a tshi ḥoda u pfa Vhuhone Hawe, ngauralo Dafita a ri, “Ndo vhea Murena tshifhinga tshoþhe phanda ha tshifhauwo tshanga. Zwino nne, Dafita, ndo vhea Murena phanda ha tshifhauwo tshanga, tshifhinga tshoþhe u pfa—u pfa Vhuhone ha Mudzimu.” Naa iyo a i nga vhi ngudo yavhudu kha rine roþhe madekwana a ñamusi? Vhea Murena phanda ha zwifhauwo zwashu u itela uri ri kone u pfa Vhuhone Hawe. Mu vheeni u thoma. Ndi ngani? Mu vheeni u thoma, phanda hanu. Ndi ngani? Zwenezwo a ni nga iti tshivhi musi ni tshi limuha izwo ni sa aweli uri ni Vhuhoneni ha Mudzimu. Musi ni tshi limuha uri Mudzimu u u mona hoþhe, ni sedza zwine na amba.

⁷³ Munna, musi a tshi elekanya uri Mudzimu o ḥuwa, u do semana, u do emula vhasadzi, u do ita... u do tswa, fhura, zwifha. U do ita tshinwe tshithu musi a tshi elekanya uri Mudzimu ha mu vhoni. Fhedzi mu ñiseni ngomu Vhuhoneni ha Mudzimu, u do zwi imisa zwa zwino. Ni a vhona? Huno Dafita o ri, “Ndo vhea Murena tshifhinga tshoþhe phanda hanga.” Itsho ndi tshithu tshavhudu. A zwi mangadzi Mudzimu o ri o vha e munna wa mbilu Yá Ene muñe. Munna u do ita tshinwe na tshinwe musi a tshi elekanya uri Mudzimu haho tsini. Fhedzi musi a tshi limuha uri Mudzimu u tsini, naa no no vhuya na dzhieila nzhele muitazwivhi? I ri ni muthu wa u ofha Mudzimu a tshimbile, u do litsha u semana hawe, arali a na ñonifho. Ni a vhona? A nga si ambe miswaswo ya tshika ine a do vha o no i amba. Ni a vhona? Ni a vhona, u do ḥutshela izwo, ngauri u a divha uri u Vhuhoneni ha Mudzimu, ngauri Mudzimu u dzula thaberanakeleñi ya vhathu Vhawe. Ni a vhona?

⁷⁴ Nga murahu ha musi Dafita o ita izwi, o ri, “Mbilu yanga i do takala.” Ndi tama ni tshi nga i vhala, Dziphisalema 16. “Mbilu yanga i do takala, huno ñama yanga i do awela nga fhulufhelo.” Ndi ngani? Mbilu yanga i do takala ngauri ndi na Mudzimu phanda hanga tshifhinga tshoþhe. “Huno ñama yanga i do awela nga fhulufhelo; arali ndi tshi fa, ndi do vušwa hafhu. Ngauri A nga si litshe Uyo Mukhethwa Wawé a tshi vhona u tshinyala, nahone A nga si sie muya Wawé ngei vhudzulavhafu.” Ni a vhona? Musi Dafita a tshi vhea Mudzimu phanda hawe,

huno a tshi pfa uri a sa aweli o vha e Vhuhoneni ha Mudzimu. “Tsha u thoma ḥoqani Muvhuso wa Mudzimu.”

⁷⁵ Zwino thetshesani, tshivhidzo, ndi a ni funa. Huno ndi ḥoda inwi ni tshi nthetshesela zwino. Vhunga Mukomana McCullough o vha a tshi anzela u ri, “Ndi khou yo amba tshiñwe tshithu.” Tshifhinga tshoṭhe vheani Murena phanda hanu, huno ni songo ita tshithu tshine na sa do tshi ita Vhuhoneni Hawe, ngauri U khou ni sedza. Ni a vhona? Murena o ita gammiba u mona na avho vha Mu ofhaho. Ha iti... U tou dzula heneffo tsini na inwi. Huno U qivha tshiñwe na tshiñwe tshine na khou ita, huno ni fanela u limuwa izwo. Musi ni tshi thoma u amba mazwifhi, ni songo zwi ita, elelwani, Mudzimu u khou ni thetshesela. Arali ni tshi thoma u ita zwa vhufhura zwiṭuku, ni songo zwi ita, Mudzimu o ni sedza. Arali ni tshi thoma u dzhia Dzina Lawe nga fhedzi, ni songo zwi ita, Mudzimu u khou ni thetshesela. Ni tshi thoma u daha sigareṭe, U khou ni sedza. Ni a vhona? Lwawe... Ro vha ri tshi anzela u imba luimbo, “Tshifhinga tshoṭhe ndilani ya vhudzulo ha muya ha ngoho, hu na iṭo ḥo ni sedzaho; ḥiga linwe na linwe line na li dzhia, ili ito lihulwane ḥo karuwa, hū na iṭo li no khou ni sedza.” Elelwani, itani vhunga Dafita, vheani Murena tshifhinga tshoṭhe phanda ha tshifhatuwo tshaṇu. Zwenezwo mbilu yanu i do takala huno nama yanu i do awela nga fhulufhelo, ngauri O zwi fulufhedzisa. Ee, mune wanga. O qivha uri u do vuwa ngauri Mudzimu o zwi fulufhedzisa. Zwo luga.

⁷⁶ Musi ri tshi ḥa ngomu Vhuhoneni Hawe, ri a shandukiswa, u sa vha vha fanaho na khathihi. Sedza fhasi hoṭhe nga kha zwikhathi, zwa mutshimbilo muñwe na muñwe wa vhutshilo, kha munna. Sedzani Abrahamu. Inwi ni ri, “Zwo luga, vhutshilo ho shandukaho vhu tou vha ha vhashumeli.” Oo, hai. Vhutshilo ho shandukaho ndi ha nnyi na nnyi. Ni a vhona?

⁷⁷ Zwino, Abrahamu o vha e rabulasi, fhedzi musi a tshi pfa Ipfi ḥa Mudzimu ḥi tshi amba nae, huno a vhona ḥo bono, o vha e munna o shandukaho u bva nga itsho tshifhinga u ya phanda. O qifhandekanya na lushaka lwa hawe, na kha vhoṭhe vho dowelanaaho nae, huno a tshimbila sa mufhiri na mutsinda, kha shango lisili, vhutshilo hawe hoṭhe, a tshi dzula dzidenndeni, ngauri o bula zwi pfalaho uri o vha a tshi ḥoda mudi we Mufhaṭi na Muiti wawo a vha e Mudzimu. O qivha uri hu na Mudzimu, huno ho vha hu na mudi huñwe fhethu We Mufhaṭi na Muiti wawo a vha e Mudzimu. Izwo ndi zwine Vhaheberu 11 ya ri vhudza zwone, uri o vha a tshi ḥoda mudi we Mufhaṭi na Muiti wawo a vha e Mudzimu. O vha e munna o shandukaho, naho zwo ralo o vha a si tshithu nga nnnda ha rabulasi zwawe. Fhedzi o vhona bono huno a da ngomu Vhuhoneni ha Mudzimu, huno o vha munna o shandukaho u bva tshifhingani itsho u ya phanda.

⁷⁸ Mushe, o vha e mulisa, fhedzi o vha e munna o shandukaho musi a tshi ḥa ngomu Vhuhoneni ha Mudzimu. O vha e goswi,

o vha a tshi khou shavha Farao, na mmbi yothe i murahu hawe. Fhedzi e na lubada tshandani tshawe, o ya murahu huno a dzhia lushaka lwothe. Ni a vhona? Ndi ngani? U da ngomu Vhuhoneni ha Mudzimu. O vha e munna o shandukaho, mulisa.

⁷⁹ Petro, murei wa khovhe, o vha a sa divhi tshithu nga ha u rea...kana a sa divhi tshithu nga ha Mudzimu, tshithu fhedzi tshe nga khonadzeo a tshi divha tsho vha tshi ndila ya u rea khovhe. Fhedzi musi a tshi da Vhuhoneni ha Mudzimu, huno a vhona Musiki muhulwane We a kona u sika khovhe, musi A tshi mu vhudza u tsitsela mambule fhasi u itela u fasha. Ho vha hu si na khovhe henehfo, o tou kokodzela mambule awe ntha. Fhedzi a ri, "U ya nga Ipfi Lau, Murena. Ndi a tenda uri U Murwa wa Mudzimu, huno arali U tshi tsitsela...arali ndi tshi tsitsela fhasi mambule, Wo mmbudza u zwi ita; u ya nga Ipfi Lau, ngauri Iwe na Ipfi Lau ni a fana, ndi tsitsela fhasi mambule." Huno musi a tshi thoma u kokodza, a ri, "Tuwa, Murena, ndi munna wa tshivhi." Ni a vhona, murei wa khovhe, nga murahu ha musi Petro o tangana na Kristo ene ho ngo tsha vha a fanaho na khathihhi. Ene, nga murahu, o vha e wa ngoho nga maanda kha Mudzimu, a newa khii dla Muvhuso. Ee, munye wanga.

⁸⁰ Paulo, Mufarisei wa tshitaela tshawe, o funzea nahone o pfumbiswa kha vhurereli hothe ha...uri o vha e hone shangoni nga ilo duvha, muhwe wa zwikola zwa nthesa zwi divhaho shangoni. Fhedzi musi a tshi da phanda ha iyo Khavhu ya Mulilo linwe duvha, Mudzimu we a mu tovhola, a sa divhi. O vha e Mufarisei, ho ngo tenda uri Mudzimu o vha e Munna. O divha uri Mudzimu o vha e Khavhu ya Mulilo, Yo ranga phanda vhatu Vhawе vha tshi bva Egipita, Yo vha i navho tshifhinga tshothe. Fhedzi musi a tshi vhona iyi Khavhu ya Mulilo, a wa nga tshifhantuwo tshawe. Huno a pfa Ipfi li tshi ri, "Saulo, ndi ngani u tshi Ntovhola?"

Ha pfi, "Naa U nnyi, Murena?"

⁸¹ A ri, "Ndi nne Yesu." O vha e munna, we a ri, "Naa no lovhedzwa hani?" O vha e Vhuhoneni ha Mudzimu. O vha e munna o shandukaho u bva tshifhingani itshe u ya phanda, o vha e Vhuhoneni ha Mudzimu. Vhu shandukisa munna.

⁸² Charles G. Finney, ramilayo, ramilayo muhulwane wa Filadelfia, fhedzi musi a tshi da ngomu Vhuhoneni ha Mudzimu a wisela fhasi ngudo yawe ya mulayo huno a vha mureri wa maanda nga maandesha we ulu lushaka lwa vha lu sa athu vhuya lwa vha nae.

[Tshikhala kha theiphi—Mudz.]...o vha e mureri, ngauri linwe duvha u da Vhuhoneni ha Mudzimu. O elekanya, luthihi, u do guda mushumo. Ni a divha bugu yawe. Ndi na nganeavhutshilo yawe. O bva a yo rabelo. O elekanya uri o vha e mureri. O vha e na lutamo, lwa uri o todha u rera, huno a mu nea thero dzi si gathi dze a vha a tshi do lingedza u rera. A ya nnnda

linwe duvha, nnda ha ofisi yawe, u rabela, a ya nnda mañkani. A dzula fhasi murahu ha muri wa kale wo vhudzulelwaho fhasi, hune a do ya nga masiari mañwe na mañwe. Wa vhurereli nga maanda, fhedzi ho ngo tenda kha Ilo.

Ho vha hu na vhasadzi vhavhili tshivhidzoni, vhe vha dzulela u ri, "Vho-Finney, ri khou rabela uri vha wane Muya Mukhethwa."

Vha ri, "Ndi na Muya Mukhethwa." Ha pfi, "Ndi mureri."

⁸³ Ha pfi, "Vho-Finney, vha munna muhulwane, huno vha fara nga maanda Ipfi, fhedzi vha ḥoda Muya Mukhethwa. Ri khou vha rabelela." Vhasadzi vhavhuđi vhaṭuku.

⁸⁴ Ngauralo a bvela phanda, phanda. Ngauralo duvha linwe na linwe o vha a tshi bva ofisini yawe, vhassa wawé na vhañwe vhothe heneffo he a shuma, huno o vha a tshi bva ofisini yawe ya mulayo huno a bva heneffo u yo rabela. Huno linwe duvha o vha e nnda heneffo a tshi khou rabela huno a pfa bulatsho i tshi vundea. O elekanya uri vhassa wawe o vha a tshi khou da, a tshi khou mu toda. A fhufha nga u tavhanya vhukuma. O vha a tshi khou ri, "Murena Mudzimu, ndi a U tenda." Huno muñwe muungo, a wana, "Uhm! Uhm! Uhm!" a vuwa huno a ri, a sedza u mona hothe, u vhona uri ndi mini tsho vundaho bulatsho. Huno tshifhingani itsho a da ngomu Vhuhoneni ha Mudzimu. A limuha uri iyo bulatsho yo vundea hu na ndivho. A ima heneffo, miđodzi i tshi khou elela fhasi maramani awe. A ri, "Khamusi avho vhasadzi vha kha ngoho. Ndi na ḥoni dza muñwe muthu a tshi mmbona ndi tshi amba na Mudzimu wanga, fhedzi ndi a elekanya uri yo vha i khuliso kha muñwe muthu u mmbona ndi tshi amba na vhassa wanga. Murena wanga ndi muhulwane zwinngafhani u fhira vhassa wanga!" Ha pfi, "Murena, nkhangwele huno u nnadaze nga Muya Mukhethwa," a thoma u zhamba na u ḥavha mukosi. O vha e Vhuhoneni ha Mudzimu. A gidimela vhukati ha dorobo nga u ḥavhanya vhukuma a ya kha ofisi yawe. A thoma u zhamba nga maanda lwe a tea u ya murahu ha vothi, a ri, "Murena, ndi do disa u shonisa kha Iwe. Nndzumbe hafha u swika ndi tshi kunda aya manditi." Ndi ngani? O vha o no da Vhuhoneni ha Mudzimu. O vha e munna o shandukaho. Thero dze a dzi shumisa kha u rera, o rera thero dzi fanaho huno mimuya ya da kha aliṭari. Ni a vhona, o vha e Vhuhoneni ha Mudzimu.

⁸⁵ Moody, murungi muñku wa kale wa zwienda, a sa divhi na ABC dzawe. Izwo ndi zwone. Girama yawe yo vha i tshi tungufhadza. Muñwe muthu o mu vhudza linwe duvha, "Girama yavho i a ḥungufhadza lu shushaho, Vho-Moody."

Vha ri, "Fhedzi ndi khou wina mimuya ngayo." Ngauralo . . .

⁸⁶ Linwe duvha dzigurann̄a, mudzudzanyi o ya u ñwala guranñda. O ya hangei u vhona uri naa uyu munna o kona hani u fara magogo a vhathu fhasi ha nyimele inwe na inwe, munna

muṭuku wa kale, a re na phanda, na tshiñwe na tshiñwe, huno a na ndebvu dzo nembelelaho fhasi, a tshi nga u na tshilelo, huno o vha e munna a vhonalaho a tshi ofhisia u mu sedza. Ngauralo iyi gurannda zwa vhukuma yo mu nea lianetshelwa, ha pfi, "A thi vhoni uri ndi mini shangoni tshire muñwe muthu a nga vhona kha Dwight Moody." Ha pfi, "O vhifha, ipfi lawe li ḥavha mukosi, u na dzindebvhu thwii fhasi u swika kha khundu dzawe, u na phanda vhunga fhuri." Huno ha pfi, "Ndi nga ndila-de shangoni hune nnyi na nnyi a do vhuya a yo vhona tshiñwe tshithu kha Moody?"

⁸⁷ Ngauralo mulangi wa Moody zwa sokou itea a li vhona, a ri, "Kha vha sedze, Vho-Moody, ndi do vha vhalela ili kha inwi." Moody ho ngo kona u li vhala ene muñe. Ngauralo a ri, "Ndi do ni vhalela zwa mudzudzanyi." Huno a zwi ñwala.

⁸⁸ Moody o tou dzinginyisa shađa lawe, a ri, "Zwa vhukuma hai, vha da u vhona Kristo." Zwo vha zwi zwenezwo fhedzi. Ndi ngani? O vha e Vhuhoneni ha Mudzimu. U bva kha khando dza zwienda, dza vhathe u dzi ḥahadza; a vha ambadza zwienda zwa Mafhungo-mađifha a ndugiselo. Ndi ngani? O vha e Vhuhoneni ha Mudzimu. Ndi zwone.

⁸⁹ Musadzi muṭuku nga tshiñwe tshifhinga Vhuhoneni ha Mudzimu, a na mulandu vhunga a tshi nga vha nga u ralo. Nga tshikhathinyana a limuha uri o vha e Vhuhoneni ha Mudzimu, tshivhi tshiñwe na tshiñwe tsha hangwelwa huno o vha o ḥamba na u tshena sa volenga. Yawee, nñe-nñe. Ndi vhathe vhanzhi vho engedzeaho vhanganu vhane ndi nga vha vhidza hafha, tshifhinga a tshi nga do tenda.

⁹⁰ Fhedzi ndi ḥoda u amba zwiṭukuṭuku nga ha nñe muñe. Naa tshi nga vha mini tshi re fhasi u fhira nñe? Naa ndo vha ndi ngafhi? Ndo bva muṭani wa zwidakwa, ndo bva muṭani wa vhavhulai, ndo bva muṭani wa vharengisi vha halwa. Huno inwi ni a zwi ḥivha izwo, muñwe na muñwe wa vhoiñwi u a zwi ḥivha, ni a ḥivha uri ro vha ri na dzina la lushaka-de fhano. Vhathe vho vha vha sa ambi na riñe tshītaraṭani. Ndo vha ndi tshi ya vhukati ha dorobo, nda thoma u amba na muñwe muthu, a hu na muthu we a amba na nñe nnđani ha musi muñwe muthu a siho u mona hothe. Vho vha vha tshi amba na nñe, muñwe muthu-vho a da, vha ntutshela. Huno ndo vha ndi tshi ima henefho huno nda lila, "Hai, izwi a zwe ngo ralo, zwi nga si vhe nga u ralo. Izwi zwe khakhea."

⁹¹ Fhedzi liñwe ḥuvha nda da ngomu Vhuhoneni ha Mudzimu. A ntshandukisa huno a nnyita luñwe lushaka lwa murwa. Tshilidzi Tshawe tsha nnđisa ngomu Vhuhoneni Hawe. Nñe na khathihi a tho ngo ḥoda u Vhu ḥutshela. Ndo vha ngomu hafha zwino lwa miñwaha ya furaru na zwithu. A thi ḥodi u Vhu ḥutshela. Ndi na vhuñanzi ha uri tshifhinga tshothe ndi do vha Henefho. Na lufu lwone luñe lu nga si nkaukanye na Vhuhone

Hawe na khathihi. Hai. Ndi do vha Nae lwa lini na lini. Musi ndo vhona Vhuhone Hawe lwa u thoma, ndo lila sa Yesaya, “Khombo kha nne.” Zwenezwo A nkwama nga tshilidzi Tshawe. Ndo vha muthu o shandukaho. Lishandukwa le la vha li tshi anzela u bva hafha huno la bvela phanda na tshinwe na tshinwe, lo shanduka, huno u bva tsheetsho ndo vha nwana Wawe. U bva tsheetsho, ndo tama u nea vhutshilo hanga hothe u itela tshumelo Yawe, fhedzi ndi tama ngavhe ndo vha ndi na miñwaha ya zwigidi zwa sumi u Mu nea. Uvhu vhu khou neta nga maanda zwino, miñwaha ya futhanuraru yo fhira. I no toda u swika ya furaruraru ya iyo yo vha, kana ya furarumbili ya iyo yo vha kha Mafhungo-madifha. Ndi tama ndo vha ndi na miñwe ya tshigidi ye nda vha ndi tshi nga i fhedza. Ndi ngani? Musi ndi tshi dzhena luthihi ngomu Vhuhoneni Hawe huno nda limuha uri ho vha hu na Muñwe muthu We a funa vha sa funei, ho vha hu na Muñwe muthu we a mpfuna musi hu si na muñwe-who we a ita, ho vha hu na Muñwe muthu We a ndondola musi hu si na muñwe-who we a londola. Ndi vhea zwanda zwanga u mona na tshifhambano Tshawe, ndi a tshi kuvhatedza kha nne, huno nne na Ene ri vha vhathihhi tshifhingani itscho. Huno u bva tshifhingani itscho u ya phanda ndo Mu funa. O dondonphadza khana yanga na mbilu yanga nga Malofha Awe, nga u nkswama na u hangwela zwivhi zwanga, huno ndo takala madekwana a ñamusi u vha muñwe wa Vhawe. Nne na khathihi a thi tami u tutshela afha fhethu ha Tađulu, nađo mulingi o linga u nthabeledza kanzhi; fhedzi ndo tsireledzea kha pavilioni ya Mudzimu, na u takala lufunoni Lwawe na tshilidzi, huno ndi khou tshila siani la haleluya. Nne-nne! Zwi ita uri mbilu yanga i takale.

⁹² Ndi a Mu themendela kha muthu muñwe na muñwe o netaho. Ndi khou Mu themendela kha vhoiñwi vhane na sa vhe na fhulufhelo. Vhoiñwi vhe na sa vhe Vhuhoneni Hawe, tshithu fhedzi tshirena na tea u ita ndi u bula zwivhi zwanu huno na limuwa uri no khakha, huno Mudzimu u na uyo Muruñwa o odeiniwa madekwana a ñamusi, a no vhidzwa Muya Mukhethwa, a no do dzhia zwivhi zwanu zweithe. Zwenezwo ni do lila, “Murena, hafha ndi hone, nthume.” Zwenezwo ni do imisa zwanda zwanu huno na imba, “Ndi do Mu renda! Ndi do Mu renda! Rendani Ngwana yo vhulahelwaho vhaitazwivhi. Mu neeni vhugala, vhoiñwi vhathu whothe, ngauri Malofha Awe o tanzwa dondo linwe na linwe.” Ndi a Mu funa. A ni ralo? U tshila Vhuhoneni Hawe!

⁹³ Ndi da phuluphithini fhano matsheloni ano, ndi tshi pfa luvhi nga maanda na u lwala nga maanda nga... Ndo—ndo vha ndi fhasi ngei Kentucky vhegeni yo fhiraho ndi na khonani dzanga nne muñwe fhano. Arali ndo dzula henengei fhasi tshifhinga tshilapfu, vho vha vha tshi do mmbulaha, vha na ngoho ya uri vho vha vha tshi do ralo, nga vhulenda, vhañwe vha khurukhu dza khwinesa dze nda vhuya nda dzi divha vhutshiloni

hanga. Huno musi ndi tshi swika kha vhukoni ha u ḥanganedza, ndo no di lemedzwa, “Mukomana Branham, naa a ni nga vhi na zwiṁwe zwa izwi?” Huno zwi tou vha zwavhuđi nga maanda, ndi tou lingedza u zwi sukumedzela phasi. Ndi na zwo ḥalaho nga maanda lune ndi nga si kone u sudzuluwa. A—a tho ngo kona u edela, huno ndi a vuwa huno nda tshimbila u mona hothe lwa tshikhathinyana. Huno ndo vha ndi sa pfi zwavhuđi nga maanda musi ndi tshi dzhena ngomu hafha matsheloni ano. Fhedzi luthihi musi ndi tshi dzhena ngomu Vuhuhoneni Hawe, izwo zwo li ladza. Izwo zwo li ladza, zwo ngalangala zwethe tshifhingani itsho. Izwo ndi zwone. Oo, u tshila Vuhuhoneni Hawe!

Ndi do Mu renda, ndi do Mu renda,
 Rendani Ngwana yo vhulahelwaho
 vhaitazwivhi;
 Mu neeni vhugala vhoiñwi vhathe vhothe,
 Ngauri Malofha Awe o ḥanzwa dondo liñwe na
 liñwe.

Kha ri kotamise zwifhaṭuwo zwashu zwino.

[Mukomana Branham u thoma u nuna *Ndi Do Mu Renda*—Mudz.]

Ngauri O nnyitela zwinzhi.
 O nkhangwela vhutshinyi hanga,
 Huno Malofha Awe o ḥanzwa tshivhi tshanga.
 Ndi do Mu renda, ndi do Mu renda,
 Rendani Ngwana yo vhulahelwaho
 vhaitazwivhi;
 Mu neeni vhugala vhoiñwi vhathe vhothe,
 Ngauri Malofha Awe o ḥanzwa dondo liñwe na
 liñwe.

[Mukomana Branham u thoma u nuna *Ndi Do Mu Renda*—Mudz.]

⁹⁴ Zwino arali ni ngomu hafha madekwana a ḥamus... Huno ndi a divha Vuhuhone Hawe vhu fhano. Ndo ima ngomu henefhaļa tshikhathinyana tsho fhiraho, kha Tshividzo tsha Mudzimu tshiṭuku musidzana, Muya Mukhethwa wo sudzulutshela ngomu kha nne musi ndo vha ndi tshi khou rabelela uyo ḥwana muṭuku. Vhabébi vho tsela phasi vha tshi bva gammbani ya Tshividzo tsha Mudzimu tsha Anderson. Huno mulangi hangei, a tshi divha ḥwana, madokotela o ri “a nga kona... u tea u fa nga u ḥavhanya, nga leukemiya.” Musidzana muṭuku, wavhuđi muṭuku, e kha zwipiđa zwave zwa u fhedzisela zwino. U vhuya henefho huno a isa tshanda tshawe tshiṭuku kha nne, tsho zwimba tshothe, dziñelete nā zwithu zwo vha zwi khatšo, nahone tshidala. Nda mu sedza, nda vhona bono. Vhabébi vho vha vha tshi khou vhala bugu henefho nnđa. A vho ngo divha tshithu nga hazwo. Mulangi wa dzheneral gammbani ngei n̄ha o vha vhudza, a ri disani ḥwana ngeno phasi. Vho ḥoda u vhuya musi ro vha ri na tshumelo

ya phodzo. Huno nda ri, “Disani ḥwana zwino,” nda pfa ndi tshi rangwa phanda.

⁹⁵ Musi ndo vha ndo ima ngomu heneffo, Muya Mukhethwa wa ya ngei murahu huno wa bvisa ḫivhazwakale ya ḥwana. Wo amba nga ha uri zwo bvelela hani, zwe vha ita. Wo amba nga ha lutamo lwa musidzana muṭuku, lwo vha lu lwa u vha mutambi wa piano. Huno uyo mme a ṭoda u zhamba. Huno avho baba vha ri, “Iyo ndi ngoho ya Mudzimu.” O dzula heneffala modoroni zwino u khou lu thetshelesa, ho ngo kona u dzhena, o dzula ngei nn̄da o lu thetshelesa zwino.

⁹⁶ Heneffo hu da lupila luhulu lwa murunzi wo nembelelaho nga n̄tha ha ḥwana. Huno nda ri, “Sathane, wo kundwa.” “A u ṭaluli muthu, Mudzimu. Huno nga maand̄a a mvuwo Yau, huno sa mulanda Wau, ndi pandela uyu diabolo kha ḥwana.” Tshedza tshihulu tshi penyaho tsha taidza nga n̄tha hawe, zwo vha zwo fhela. Amene. Huh? Ngoho, O fanelwa nga thendo yoṭhe!

⁹⁷ U ḫivha zwithu zweṭhe. U ḫivha mbilu yanu. Huno ni a ḫivha zwine na khou elekanya; U a ita, na ene-vho. Arali hu na tshivhi tshiṭuku tsho nembelelaho kha inwi madekwana a ḥamusi, huno inwi no vha ni si nga ṭodi u dzhena Vhuhoneni ha Mudzimu ni na itscho kha inwi, naa ni do dovha na imisa tshanda tshaṇu huno na ri, “Mukomana Branham, nthabeleleni, ndi ṭoda u vha Vhuhoneni Hawe nga ilo Duvha, ndi si na mulandu.” Mudzimu a ni fhaṭutshedze. Zwanda zwinzhi, Mudzimu u a zwi vhona. Vhuhoneni Hawe. Zwino ndi do ni vhudza zwine na tea u ita. Zwino itonu thetshelesa nga vhuronwane. Itani vhunga Dafita o ita, vheani Murena phanda hanu zwa zwino. Vheani Murena vhukati hanu na itscho tshivhi, tshiṇwe na tshiṇwe tshine itscho tshivhi tshi ṭavhanyaho u ri vhofha tsha vha tshone. Hu nga di vha u zwifha, hu nga di vha u tswa, hu nga di vha u elekanya nga ndila mmbi, hu nga di vha mbiti, hu nga di vha u nwa, hu nga di vha u daha fola, hu nga di vha u gembula. A thi ḫivhi uri mini. Hu nga di vha nyemulo. Hu nga di vha tshiṇwe tshithu. A thi ḫivhi uri ndi mini. Tshiṇwe na tshiṇwe tshine tsha vha tshone, vheani Murena phanda hanu. Huno zwenezwo mbilu yanu i do takala, huno ḥamasiyanu i do awela nga fhulufhelo, ngauri ni a ḫivha uri Kristo o fulufhedzisa uri U do vusa hafhu nga mađuvha a u fhedzisela. Musi A tshi da, ri do vha nga tshifanyiso Tshawe. Naa ni nga si zwi ite zwino, musi ri tshi rabela?

⁹⁸ Khotsi ashu wa Tadulu, Mulaedza muṭuku wo remiwaho nga mulanda o netaho. Fhedzi u tou elekanya nga ha ṭohoh ya “u dzula Vhuhoneni ha Mudzimu.” Huno ri a vhona madekwana a ḥamusi masiandoitwa o vhaho kha vhanna vhakhethwa u da ngomu Vhuhoneni Hau, uri ndi masiandoitwa afhio e a vha khavho. Vha vhuṭali, vhaporofita vhahulwane vha maand̄a vho odeiniwaho nga Mudzimu, huno vha rumelwa u rera Ipfi, huno naho zwo ralo vha ṭangana Nae vho livhana zwifhaṭuwo huno vha wela mavuni vhunga munna o faho. Naa ri khou yo ita

mini nga iło ḫuvha, Murena? Ro no zwi elekanya ra fhedza. Ro vha ri tshi khou zwi elekanya. Zwiṁwe zwanda zwa fuña kana futhanu two vha zwi tshi khou zwi elekanya, Murena, ngauri vho tou imisa zwone zwanda, kana dzimbi lu fhasi ha tshanda, vho vha vha tshi elekanya nga ha u ṭangana Nae tshe ra vha ri tshi khou amba. Naa vha ḫo ita mini arali vho vha vha tshi tea u ṭangana Nae?

⁹⁹ Zwanda zwanga, Murena, zwi n̄tha. Naa ndi ḫo ita mini? Zwino, Khotsi, ndi na zwithu zwinzhi zwine nda ita two khakheaho. Ndi kha di bva u bula tshivhi tshanga matsheloni ano phanda ha tshivhidzo, musi ndi tshi tshi bula kha Iwe n̄tha ha thavha nga mañwe matsheloni musi ho vha hu tshi khou vhudzula na u wa mahada, na ngei n̄tha ha thavha, u ya kha uri ndo lila hani huno ndo U humbelu uri u nkhangwele vhutsilu hanga. Huno nga ndila ye nda ofha u ḫa phanda ha vharathu vhanga, vhane vhañwe vhavho vha nnzhia sa mulanda Wau wa muporofita. Huno, Murena, nga ndila ye nda vhenga u ḫa phanda havho huno nda vha vhudza nga ha nyito ya vhutsilu uri ndi ḫo ita tshithu tsha u ralo, fhedzi, Mudzimu, ndi zwavhuđi kha muya wanga uri ndi bula zwivhi zwanga huno nda sa zwi dzumbe. Ngauralo u vha a fhulufhedzeaho kha Iwe, na heneffa phanda ha vhathu, ndo tshi bula, Murena. Ndo khakha, ndo khakha tshothe-tshothe. Ndi rabela khangwelo.

¹⁰⁰ Huno zwenezwo, Khotsi, ndo vha a ongolowaho nga ha Iwe, ndi tshi U shumela, zwifhinga zwinzhi khamusi ndo vha ndi tshi do vha ndo ya lwa tshifhinga tshilapfu musi ndi songo zwi ita. Khotsi, ndi bula zwivhi zwanga. Ndi ṭoda Mururiwa wa Mudzimu a tshi n̄tanzwā kha izwo, nga Malofha a Yesu. Zwiṁwe zwanda two ya n̄tha madekwana a namusi, vhañwe vhavho khamusi a vha athu humbelu khangwelo na khathihi u rangani; fhedzi ndi na ngooho ya itshi tshithu tshithihi, arali ri tshi ḫo bula zwivhi zwashu, Mudzimu u ḫo zwi phunya, a zwi vhea ngomu lwanzheni lwa khangwa huno a si tsha zwi elelwa na—na khathihi. Huno, Khotsi, musi ndi tshi bula zwanga, zwa u sa difara phanda ha avho vhathu, a tho ngo hwala kha nm̄e vhunga mulanda wa Kristo. A tho ngo ralo. Ndo vha ndi tshi ofha uri munna a nga di ntsinyutshela huno a elekanya uri ndo vha ndi sa ṭodi u pfisa vhutungu vhudipfi hawé, fhedzi a tho ngo elekanya nga ha zwe nda vha ndi tshi khou ita kha Iwe, Murena. Huno zwino ndi—ndi a rabela uri U nkhangwele. Huno zwino, Khotsi, ndi a divha uri arali nda humbelu khangwelo ndi na khangwelo, huno Wo zwi vhea ngomu ha lwanzhe lwa khangwa, huno na khathihi U nga si tsha zwi elelwa. Mudzimu, ndi a livihuwa izwo.

¹⁰¹ Huno ndi a rabela uri U ḫo tendela muthu muñwe na muñwe fhano, a re na tshivhi, tshivhi tshi vhofhaho tsha tshiñwe tshithu phanda havho, ngavhe vha tshi tshi sudzulusa huno vha vhea Murena phanda havho vhunga Dafita o ita. Ngauri zwino ri

a vhidzelela, “Khombo kha nne, ngauri ndo vhona Vhugala ha Mudzimu. Ndi munna wa milomo i songo kunaho, kana musadzi kana musidzana wa milomo i songo kunaho, vhatukana, kana tshiñwe tshithu.” Tshiñwe na tshiñwe tshine ri nga vha tshone, a ro ngo kuna, huno ri humbela Malofha a Yesu Kristo, Tshithavhelo tsho teaho, u ri ḥanzwa tshivhini tshothe, uri ri kone u dzula misi yothe Vhuhoneni Hawe. Kha ri tuwe hafha madekwana a ɿamusi na mbilu dzashu dzo takala, huno ɿama yashu yo awela nga fhulufhelo, ri tshi divha izwi, zwauri musi Yesu a tshi da, ri do vuswa Nae nga tshifanyiso Tshawe, huno ri do ḥanganana Nae muyani, kha U Takulelwa Taqulu, musi u vhalela phedziseli ho fhela. Ri vhona tshikhathi tsha tshivhidzo tsha vhusumbe tsho no di vhalelwa nn̄da, huno zwino ro lugela zwino u takuwa. Ri a rabela, Mudzimu, uri Iwe, U sa athu vala vothi, arali ha vha na muñwe hafha madekwana a ɿamusi a sa athu dzhena ngomu, ngavhe a tshi ḥavhanya a dzhena nga u ḥavhanya vhukuma, ngauri ri a pfa uri vothi la khathutshelo, vhukati ha khathutshelo na khañhulo, li khou valwa. Avho vha no do ḥanganedza khathutshelo vha do kanda ngomu. Avho vhane vha sa do da ngomu vha do tea u tambula khañhulo. Mudzimu u vala vothi. Ngavhe hu si na vothi li no valwa madekwana a ɿamusi kha muñwe na muñwe wa avha vhaitazwivhi vha bulaho. Ngavhe rothe ri tshi vha na khangwelo na khathutshelo. Dzinani la Yesu Kristo.

¹⁰² Huno zwino, Khotsi, u itela vhalwadze na vha t̄hupheaho, u itela avho vha re na ḥodea, ndi a rabela uri tshilidzi Tshau tshi do nekedza zwothe zwine vha zwi ḥoda. Ngavhe vha tshi kanda ngomu ha Kristo, ngomu ha Vhuhone Hawe. Vhea Kristo, Kristo, pfulufhedziso, “‘O rungelwa zwivhi zwashu,’ izwo ndi zwivhi zwanga. ‘Nga ntho Dzawe ndo fhola,’ zwenezwo ndi vhea Murena phanda ha vhulwadze hanga. ‘U kha tshanda tshanga tsha u la, huno a thi nga do sudzuluwa,’ zwenezwo ndi tshimbila ndi na tshivhindi u ya phanda, ndi tshi bula uri ndo fhola. ‘Nga ntho Dzawe ndo fhola.’” Zwi tendele, Murena, kha muñwe na muñwe wavho. Huno ri a divha uri arali ri tshi bula nga mbilu dzashu na, kana nga milomo yashu, huno ra tenda mbiluni dzashu, zwenezwo ri na lutamo lwasu.

¹⁰³ Iwe wo ri, “Musi ni tshi amba tshiñwe tshithu, tendani uri tshi a khunyelela, ni nga kona u vha na zwe na amba.” Ri a tenda izwo, Khotsi, huno ra tenda uri U do ri ḥanzwa zwivhi zwashu zwothe, huno wa fhodza vhulwadze hashu hothe, huno wa ri nea tshilidzi, Murena, tsha u U shumela.

¹⁰⁴ Ivha na avha vhatu. Vhanzhi vhavho vha khou yo enda ndilani dzo swifhalaho madekwana a ɿamusi. Vhanzhi vhavho vha do enda maela nnzhi. U songo tendela tshithu tshi tshi bvelela khavho, Murena. Vha da u budekanya shango u dzula hafha u thetshelesa kha u vhalela, u vhona uri ri tsini hani na tshifhinga tsha vhufhelo. Zwino ndo vha humbela u ḥuwa,

vhe a Mudzimu phanda havho, tshifhinga tshothe phanda havho, phanda ha tshiñwe tshithu-vho. Phanda ha Iwendo, phanda ha mutshimbilo wavho, phanda ha zwavho—phanda ha musi vha tshi vuwa, nga murahu ha musi vho no ya mmbeten, tshifhinga tshothe phanda ha musi vha tshi edela, huñwe na huñwe hune ha vha hone, vheani Mudzimu u thoma! “Ngauri U kha tshanda tshanga tsha u la, huno ndi nga si si sudzuluswe.” Zwenezwo ngavhe mbilu dzavho dzi tshi takala, u divha uri vha na zwe vha humbelazwone, ngauri Mudzimu o zwi fulufhedzisa, huno nama yavho i do awela nga fhulufhelo. Zwi tendele, Murena, ngauri ri a zwi humbelazwone Dzinani la Yesu Kristo. Amene.

Ndi do Mu renda, ndi do Mu renda,
Rendani Ngwana yo vhulahelwaho
vhaitazwivhi;
Mu neeni vhugala vhoiñwi vhatu vhothe,
Ngauri Malofha Awe o tanzwa dondo linwe na
linwe.

¹⁰⁵ Zwino ni a tenda uri no vhe a Murena vhukati hanu na tshivhi tshanu, vhukati hanu na vhulwadze hanu, vhukati hanu na mulandu wanu, vhukati hanu na ndila dzanu? “Murena tshifhinga tshothe u phanda hanga, huno ndi Vhuhoneni Hawe. Tshifhinga tshi tevhelaho ndi tshi thoma u funga sigarete, Murena u phanda hanga. Tshifhinga tshi tevhelaho ndi tshi thoma u emula, Murena u phanda hanga. Tshifhinga tshi tevhelaho ndi tshi thoma u amba tshithu tsho khakheaho, Murena u phanda hanga. Tshifhinga tshi tevhelaho ndi tshi thoma u amba tshithu tshivhi, Murena u phanda hanga. Huno a thi nga sudzuluswi. Amene. Ndi do tshila Vhuhoneni Hawe duvha linwe na linwe, na ngona dzanga dza bindu, duvha linwe na linwe na nyambo yanga. Ndi do tshimbila vhunga Murena u phanda hanga, ngauri madekwana a namusi ndo Mu vhe a phanda hanga. A thi nga sudzuluswi.” Inwi ni a Mu funa?

¹⁰⁶ Zwino, kha ri ime zwino. Oo, ndi tou pfa ndi wavhuđi vhukuma. Ndi tou pfa vhunga a thi todzi u ya hayani. Huno inwi ni a divha uri ndi miniti i todzaho u swika ya fumbilihanu fhedzi u ya kha tahe, ndo t̄avhanya nga awara mbili. Naa a zwi mangadzi? Yawee, nne-nne! Fhedzi zwino musi ri tshi tuwa, kha ri elelwe, ri fanela u dzhia Dzina la Yesu na rine, sa tshiñangu tsha tshikwekwe tshinwe na tshinwe. Huno musi milingo u mona hothe yo ri tanga... i tshi lingedza u ri dzivhisa u elelwa izwo, itonu fema ilo Dzina likhethwa nga thabelo.

Dzhiani Dzina la Yesu na inwi,
Nwana wa mañungu na wa khombo;
Li do ni nea dakalo na khuthadzo,
Oo, Li dzhieni huñwe na huñwe hune na ya.

Dzina lavhudì (Dzina lavhudì), O li difha hani!
 Fhulufhelo la lifhasi na dakalo la Tađulu;
 Dzina lavhudì (Dzina lavhudì), O li difha hani!
 Fhulufhelo la lifhasi na dakalo la Tađulu.

¹⁰⁷ Naa ndi vhangana vha no diphina nga mufunzi washu, Murathu Neville? [Tshivhidzo tshi ri, “Amene.”—Mudz.] Naa a ni livhuwi Murena nga nthani ha munna wavhudì, a fhulufhedzeaho, wa duvha linwe na linwe, a tendaho Mafhungo-madifha? [“Amene.”] Huno u khou ita mushumo u mangadzaho nga u thetshelesa Milayo ya Mudzimu, na u rera Ipfì na u vhulunga dzingamufhe ili lìhulwane la tshimuya tshivhidzoni tshifhinga tshothè. Elelwani, ndo tsela fhasi kha Khunzikhunzi ya Vhubvađuvha, nda ya u buđekanya Tshipembe, na nthà ha Khunzikhunzi ya Vhubkovhela, na u buđekanya Canada, huno a tho ngo ṭangana na tshivhidzo tshithihi tshi re tsha tshimuya u fana na itsi tshivhidzo henehfa. Vho ya kha mbeu, iina, kana vhusweleli ho kalulaho, kana zwe ṭuwa zwa ya kha thaidzo dza vhudifari, kana zwa rothola nga maandà lune vha nga si sudzuluswe. Ndi zwenezwo hedzi.

¹⁰⁸ Zwino, naa ni a funana? [Tshivhidzo tshi ri, “Amene.”—Mudz.] Oo, khadananì nga tshañu, huno ni ri, “Rendani Murena.”

¹⁰⁹ [Mukomana Branham u khadana na vhatu—Mudz.] Rendani Murena. Rendani Murena. Rendani Murena. Rendani Murena, khaladzi. Rendani Murena. Ndo takala ngauri no vha ni fhano, mukomana. Rendani Murena, khaladzi. Mudzimu a ni fhađutshedze. Zwo luga. Mudzimu a ni fhađutshedze. Ri do funa. Mudzimu a ni fhađutshedze. Ndi a divha zwine na ṭoda. Mudzimu a ni fhađutshedze. Mudzimu a ni fhađutshedze.

Dzhiani Dzina la Yesu na inwi,
 Sa tshiṭangu kha tshikwekwe tshiñwe na
 tshiñwe;
 Musi milingo u mona na inwi i tshi
 kuvhangana, (Naa ni ita mini?)
 Femani ilo Dzina nga thabelo.

Dzina la vhuthogwa (Dzina la vhuthogwa), O
 li difha hani! (O li difha hani!)
 Fhulufhelo la lifhasi na dakalo la Tađulu;
 Dzina la vhuthogwa (Dzina la vhuthogwa), O
 li difha hani!
 Fhulufhelo la lifhasi na dakalo la Tađulu.

¹¹⁰ Kha ri kotamise zwifhađuwo zwashu zwino. Lutete vhukuma, ri songo hangwa izwo zwino. Kha ri imbe iyo ndimana hafhu.

Dzhiani Dzina ḥa Yesu na inwi, (U itela mini?)
 U itela tshiṭāngu kha tshikwekwe tshinwe na
 tshinwe, (musi Saṭhane a tshi lingedza u ni
 itela tshikwekwe);
 Musi milingo i tshi ni kuvhanganelo, (Naa ni
 ita mini?)
 Itonu fema iļo Dzina likhethwa.

“Ngauri Murena u phanda ha tshifhaṭuwo tshanga; ndi nga
 si sudzuluwe!”

Dzina ḥa vhūṭhogwa (Dzina ḥa vhūṭhogwa), O
 li difha hani!

Murathu Neville.



VHUhONENI HAWE TSV62-0909E
 (In His Presence)

Hoyu Mulaedza nga Mukomana William Marrion Branham, u rangani wo
 ḥewa nga Tshiisimane nga madekwana a Swondaha, Khubvumedzi 9, 1962,
 Thaberanakeļeni ya Branham kha ḥa Jeffersonville, Indiana, U.S.A., wo dzhiwa
 kha rekhodo ya theiphi ya maginete huno wa gandiswa u songo pfuhfihadzwa
 nga Tshiisimane. Heyi ḥalutshedzo ya Tshivenđa yo gandiswa huno ya
 phađaladzwa nga vha Voice Of God Recordings.

TSHIVENDA

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
 58 DISA ROAD, ADMIRAL'S PARK, GORDON'S BAY 7140 WESTERN CAPE
 REPUBLIC OF SOUTH AFRICA

VOICE OF GOD RECORDINGS
 P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org